

सानसेयारि "बड'सा" खीरालाइयाव समाज्यादि जिउजो लोब्बा थावाय रायथाय, खन्थाय, सल', सल'बाथा आरु दावबायारि थावनि, पार्क बाइदिनि सायाव लिउनाय लिउबिदां दैथाय हर/सानसेयारि "बड'सा" खीरालाइया खेबरानावै फोसावगोव।

बड'सायाव लिउहरनायनि हुबा खालाम्, "बड'सा" खी नोथां, जो बयबो आंगो खालाम्।

सानसेयारि बड'सा मावखुनि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com



BODOSA ★ A Bodo News Daily ★ Wednesday ★ 22 September, 2021 Kokrajhar, BTC, Assam ★ Vol.- 31, Issue No. 177 ★ R.N.I.Regd.No.40994/91, AssamGovt.Regd.No.IPRD.40/2006/13, ★ Rs.8/-

परेश बरुवाजो थोंजोडे
बाथा सावरायगोन ड
हिमन्त विश्व शर्माआ

नंखाय एनकाउन्टारनि हेंथायै थार बिजिरनाय दाबिनानै फरायसाफोरा हान्जा सुरदों

बिटिआर खुंथायनिफ्राय जिउ गोमानाय दुखुथिया नख'रनि सोद्रोमानो सरकारि साखियाव थिसन्नो फोसावबाय



गुवाहाटी, 21 सेप्टेम्बर: थामथि सुबुनि हेफाजाबै नड, बे खेबाव थोंजोडे आलफा- (आइ) नि आफादगिरि आरु गाहाय सान्थि गाहाय परेश बरुवाजो बाथा सावरायगोन आसामनि गिबि मन्थि ड हिमन्त विश्व शर्माआ। पेश बरुवाआ लुबैयोब्ला गिबि मन्थि ड हिमन्त विश्व शर्माजो सावरायलायनायव टेलिफनजोबो (□ 5 बिलाइआव)

कक्राझार, 21 सेप्टेम्बर: बावैसो सान सिगां नंखाय एनकाउन्टार खालामनायनि अजद लाबोनानै आरु जिउ गोमानाय दाय गैयै बिसोर सानै सुबुनि थार बिजिरनाय दाबिनानै दिने गोबांथार फरायसाफोरा हेंथा हान्जा सुरो। गुबुन गुबुन फरायसालिमाफोरनिफ्राय बाहागो लाफेनाय रोजा-रोजा फरायसाफोरा नंखाय एनकाउन्टारव जिउ बाउनाय दाय गैयै सानै लाइमोनफोरनि थार बिजिरनाय दाबिनानै बि टि सि सेक्रे टारिपटनि गाहाय लामानिफ्राय जागायनानै



जोहोलाव दैमालु लामा जानानै कक्राझार जिल्ला बेंगिरिनि मावखुलिनिम बे बरेखा हान्जा सुरनायखो खुनाय जायो। हान्जा सुरनाय फरायसाफोरा बे जाथायनि सायाव गोखों नायबिजिरनानै जाथायाव लोब्बा थानाय दायनिगिरिखो आइनि हेफाजाबै गोखों साजा होनो दाबि खालामो। बे बरेखा हान्जा सुरनायखो बिटिआरनि सिडव थानाय फरायसालिमाफोरनि फरायसाफोरा खुनानै सानै दाय गैयै सुबुंफोरखो नंखाय एनकाउन्टार खालामनानै (□ 5 बिलाइआव)

जुथाय हादतनि जथुमाव गाहाय मन्थि नरेन्द्र मदिआ बाहागो लागोन

गोदान दिल्ली, 21 सेप्टेम्बर: जुथाय हादतनि जथुमयाव बाहागो लानो थाखाय भारतनि गाहाय मन्थि नरेन्द्र मदिआ आमेरिका जुथाय हादतसिम दावबायलांगोन। गाहाय मन्थि मदिआ आमेरिका दावबायनानै फे गौ 26 सेप्टेम्बराव फेफिनगोन। गाहाय मन्थिजो लोगोसे आमेरिका दावबायनाय समाव हादतनि गुबुन हादतयारि बिफाननि मन्थि, हादतनि रेखाथि बोसोनगिरिजो लोगोसे मोनसे गोजो थाखोनि हान्जायावो थांफागोन।



होनायजो लोगोसे आमेरिकानि हादतगिरि ज' बाइडेन, कवाड गुपनि दैदेनगिरिफोरजो लोगोसेनो भारतयारि फोलेरनि आमेरिकानि लेइड हादतगिरि कमला हेरिसजोबो लोगो हमलायगोन। गाहाय मन्थि मदिआ आमेरिका नि हादतगिरिजो जथुमनि समाव

आथिखालाव सोमजिनाय आफगानिस्ताननि थासारिजो लोगोसे उतखारि आयदानि सायावबो सावरायलायगोन। आफगानिस्तानआव तालिबाननि खुंथाय सामलायनाय समाव गाहाय मन्थि मदिआ आमेरिका दावबायहेनाया सानो गोनां महर मोन्दों। (□ 5 बिलाइआव)

राइज्यो सभा बिसायख'थिनि थाखाय नमिनेसनलाइ गथायबाय सर्बानन्द सनवालआ

गुवाहाटी, 21 सेप्टेम्बर: आसामआव लांदां जानानै थानाय राइज्यो सभानि मासिनि थाखाय नमिनेसनलाइ दिने मंगलबारखालि गथायो आसामनि बारग' गिबि मन्थि आरु आथिखालाव मिरु मन्थि सर्बानन्द सनवालआ। मख'नो गोनांदि, फेगो 4 अक्ट'बारव राइज्यो सभानि मोनसे मासिनि थाखाय बिसायख'थि खुंथाय जागोन। नमिनेसनलाइ (□ 5 बिलाइआव)

कक्राझार जिल्लानिफ्राय हा-हुनि सा 21 दालालफोरखो पुलिसआ हमबाय

दिने बिजिरसालियाव लाबोगोन हमजानाय दायनिगिरिफोरखो

कक्राझार, 21 सेप्टेम्बर: दुलाराय राइज्योयाव मैखोमै नांथाबनानै थानाय हा-हुनि दालालफोरखो होखानो गिबि मन्थि हिमन्त विश्व शर्माआ आसाम पुलिसखो गोखों बिथोन होनायनि उनावनो कक्राझार जिल्लायारवो हा-हु दालालफोरनि हेंथायै सांग्रां राहाफारि आखाइयाव लादों कक्राझार पुलिसआ। कक्राझार पुलिसआ दिने बेजों लोब्बा लाखिनानै दाब-दाब जायगाफोराव अपारेसन खालामनानै मन्डलजो लोगोसे



सा 21 हा-हुनि दालालफोरखो जायो। बेनि गेजेराव सा 19 हमनानै सदर थानायवा लाबोनाय हाँवाफोर आरु सा 2 आ

हिन्जाव दालालफोरखो दड। बिसोरनि गेजेराव बगरिबारिनिफ्राय सा 5, गसाइयाव भावरगुरिनिफ्राय सा 11 आरु कक्राझारनिफ्राय सा 5 दालालफोरखो हमनाय जायो होनानै कक्राझार जिल्लानि ए एस पि सुरजित सिं पानेसारआ बुजे। जिल्लायारव बे गेनाजो लोब्बा थानाय सा 43 नि फारिलाइ फोसावनानै दिने सा 21 दालालफोरखो नागिरनानै हमनाय जायो। गाबोन अखानायै हमजानाय गसैखोबो (□ 5 बिलाइआव)

मुसलपुरावबो हानि दालालनि हेंथायै पुलिसआ सिग्रोमनानै सा 11 सुबुंखो हमदों

मुसलपुर, 21 सेप्टेम्बर: आसामनि गिबि मन्थिनि बिथोननि उनावनो हानि दालालनि हेंथायै मुसलपुर पुलिसआबो सिग्रोमनाय हाबाफारिखो लादों। मुसलपुराव थानाय सार्केल बिबानगिरि मावखुलिनि माखसे मन्डलफोरजो गोरोबलायनानै हानि दालाल खालामनानै सरसनसा राइजो-राजाफोरखो जेनायाव खोखेबोनाय सा 8 सुबुंफोरखो पुलिसआ सार्केल बिबानगिरि मावखुलिनिफ्राय दिने हमो। बे दालाल आफादआव दड गोबां मुंदांखा फालागिरिफोर। बिसोरनि हेंथायै सैथो फोरमान जायोब्ला बिसोरखोबो हमनाय जागोन। मुसलपुर पुलिसनि आखाइयाव आरोबाव सा 10 सुबुंफोरनि फारिलाइ द होनानै पुलिसआ बुंथिदों। फारसेथिं खायसे भुगिनानाय राइजो-राजाफोरा अजद होदोंदि, दालालनि जोहे खायसे मन्डलफोरा हाखो रेजिस्टर खालामो आरु गुबुन गुबुन खामानिनि थाखाय रं लानानैबो समनि गेजेराव खामानि मावफुड। सार्केल बिबानगिरि (□ 5 बिलाइआव)

तामुलपुर प्रेस क्लबनि 8 थि नै बोसोरारि जथुम्याय थुंगेलांबाय सा 11 गागि खौरांगिरि, थुनलाइगिरि आरु समाज सिबियारिफोरखो मान बाउदों

तामुलपुर, 21 सेप्टेम्बर: तामुलपुर प्रेस क्लबनि 8 थि नै बोसोरारि जथुम्याय दिने थुंगेलां। हाबाफारि बादिदै दिने फुनि समाव प्रेस क्लबनि फिफिसाखो बिहोयो तामुलपुर प्रेस क्लबनि आफादगिरि खगेन बैस्यआ। मुंखलफोरनो मान बाउवो तामुलपुर प्रेस क्लबनि लेइय आफादगिरि सकेस्वर डेकाआ। साननि समाव तामुलपुर प्रेस क्लबनि आफादगिरि खगेन बैस्यनि आफादगिरि मासि सामब्लायनायाव खुंफुं नाय



गेवलां मेलखो बेखेवनानै होयो दुलाराय आसाम फरायसा आफादनि गेलेमु नेहाथारि पुन डेकाआ। मेलनि बेखेव बिबुंथियाव पुन डेकाआ बुडोदि

भिडिअ कनफारेन्सिनि हेफाजाबै मिरु मन्थि सर्बानन्द सनवालआ फालांगियारि फोर्बोआव बाहागो लादों

गुवाहाटी, 21 सेप्टेम्बर: मिरु गाथोन, जाहाज हान्था-मेल, दै लामा आरु मिरु आयुष मन्थि सर्बानन्द सनवालआ भिडिअ कनफारेन्सिनि गेजेरजो मिज'रामनि आइजलाव खुंथाय "फालांगियारि फोर्बो: भारतखो जौगाखां होनाय, रांखाथियारि गोहो महरे दिन्थिनाय" हाबाफारियाव बाहागो लायो। भारतनि उदांश्री मोन्यानि 75 बोसोर आबु जानायजों लोब्बा लानानै "आजादी का अमृत महत्सव" फोर्बो खुंथायनि



बाहागो महरे बे फालांगियारि फोर्बोखो खुंथाय जादों। मिरु मन्थिआ बुंथियोदि, मिज'रामनि (□ 5 बिलाइआव)

माहारियारि बकिं सेंपियनशिपआव शिब तापाआ सनानि मेडेल देरहाबाय

एम्फौ फिसिनानैबो नखरखो सुंथानो हानायनि बिदिन्थि होदों साथाम आइजोफोरा

बाक्सा, 21 सेप्टेम्बर: एम्फौ फिसिनानैबो नखरखो सुंथानो हायो। बेनि रोखा फोरमानखो होदों बाक्सा जिल्लानि भारत-भुटान सिमायाव थानाय सुबनखाटा ओन्सोलनि साथाम आइजोफोरा। गोसो थायोब्ला मानसिया मावनो हायै जेबो गैया। गोसो होनानै जाय खामानिखो मावगोन बे खामानिजोंनो दावगानो हायो। भारत-भुटान सिमानि सुबनखाटा ओन्सोलनि



सिरिसबारि गामनि रमिला बसुमतारी, बिबारि बर' आरु लतिका बर'आ ज'थैनो बर'नि गोदो-गोदायनिफ्राय सोलिबोनाय एम्फौ फिसिनाय (□ 5 बिलाइआव)

मुसलपुराव बड'लेन्ड अमा मिशननि सांग्रां बादा खुंदों 1 लाख कि:ग्रा: आमा बेदर दिहुन्नायनि थांखि लादों बिटिआरआव

मुसलपुर, 21 सेप्टेम्बर: बिटिआर ओन्सोलनि जुनात फिसिनाय आयदायाव खाबु-मिजिं थानायनि फारसे थांखि लानानै बिटिसि सरकारनि मोनसे थांखि महरे बड'लेन्ड अमा मिशननि 5 थि सांग्रांथियारि बादाखो दिने बाक्सा जिल्ला मुसलपुराव खुंफुंनाय जादों। बे सांग्रांथियारि बादाखो बेखेवफैयो बिटिसिनि ना आरु जुनात फिसिया बिफाननि मावफुं सोद्रोमा राकेश ब्रह्मआ। बे



सांग्रांथियारि बादायाव राकेश ब्रह्मआ नुजाथि फेना बुंथियोदि, बिटिआर ओन्सोलखो हादतनि गेजेरावनो अमा दिहुन्नायनि गाहाय मिरु महरे सोरजिनारनि थांखिजो बे अन्सायारि थांखिखो (□ 5 बिलाइआव)

आजावनानै लादों। जायनि जेहै गासै ओन्सोलनि अमा फिसिग्राफोय मुलाफ्फा मोनो हायो। लोगोसे बेनि हेफाजाबैनो गोदोनिफ्राय सोलिबोनाय अमा फिसिनायनि सोलायै गोदान मुगानि आदोब बाहायनायजों अमा फिसिनायाव बिटिसि सरकारा गोनांथि होगोन होनानैबो मख'यो। फारसेथिं गाहाय मन्थि नरेन्द्र मदिनि गावखो नो फोथायनाय भारत (□ 5 बिलाइआव)

सुजुगिरिनि खोलोम

आबाद मावनायनि राहा-खाबुखौ आबादयारिफोरा मोनांगोन

गामि ओन्सोलाव राइजो जानाय साफ्रोमबो राइजो राजा सुबुंफोरानो आबाद दिखानायनि गायनाय-फुनायनि हाबा मावनायखौ जिउ खानायनि मोनसे हुदा महरै बोजबनानै लाबोखादों। मिबथिस'नो हायै समनिक्रायनो बे हुदाजों मैसो-मोसोनि हालजों हाल एवनानै माय, फाथो, बेसर, सिबिं, सबाय, आरो बायदिसिना रोखोमनि मैंग-थाइगनि आबाद मावनानै जिउ खांबोदों। हादान सिमफायनानै मोन्नाय हायाव सोरबाया हालिसे, सोरबाया हालिनै-हालि थामनि आबाद मावनानै आबादनि फसलफोरखौ नख'रनि थाखाय माखासे दोन्नानै माखासेखौ हाथाय-बाजारवा फानहनैना मोन्नाय रजों नख'रनि नांगो जानायनि खरसाखौ दिहुन्नानै लानो हायोमोन। गथ'-गथायफोरनि फोरानाय, गानाय-जोमनायनि खरसाखौबो बे आबादनि फसलजोंनो दिहुन्नांगो जायोमोन। गोदोनि समाव हालिसेनि हायावनो आबाद मावनानै मोन्नाय फसलजोंनो आलो-गोजोनै जिउ खांबो हायोमोन। आधिखालनि समाव मोनसेल' आबादजों नख'रखौ मोजाडैसामलायनो हानांगीया गोब्राव। मानोना, हानि गुनआ सिगांनि रुजुनायाव जोबलांनो ह्मबाय। दानिया हायाव बोसोरफ्रोमबो गोनांथि जानाय बादियै हासार-मुलि होनांगो जानानै फैबाय। बिबिद खालामोब्लासो आबादनि फसलयाबो मोजां जागोन।

सिगां समफोरव दुब्लि बारिआव दै सोनायनि थाखाय दाब दाब जायगाफोरव दैसा-निजोराफोरव बान्दो खोनानै दंग एबा जाम्फेजों दै लाबोनाय जायोमोन। माय गायनायनि सिगां आरो गायखानानै दुब्लि बारिआव दै सोफेनायनि राहा थायोमोन। माय गायखानानै दब्लाय बुंजाफा दै सोनानै दोन्नो मोनोब्ला आबादयाबो मोजां जायो। गामिनि आबादयारिफोरानो ज'ज' ऑंखारलायनानै बान्दो थेनानै जाम्फेजों दै लाबोनानै दुब्लि बारिआव सोफेनाय जायोमोन। आधिखालनि समाव नाथाय हानि बान्दोफोरखौ नुनो मन्लिया। दानि समाव सरकारनिफ्राय मोन्नाय हेफाजाबजोंनो जाम्फेफोरखौ फोसाबनानै लानो मोनबाय। नाथाय सरकारि हेफाजाबखौ मोजाडै बाहायफुडैनिबो अजद खोनानो मोनो। बेबो मोनसे समाजनि खहा जाथावना आखु। आबाद थिलिआव दै सोनायनि गोबां स्किमखौ सरकारि इरिगेसन बिफानखौ आखाइयाव लानाय नुनो मोनो। नाथाय बेफोर बाइदि स्किमफोरबो जाफुदों होन्नानै बुंनो गोब्राव जायो। गोबां जायगाफोरव दै साखोग्रा पामिं मेसिनफोरखौ गोलैसोनानै थानायबो नुनो मोनो। नाथाय गोदोनि समाव बे रोखोमनि सरकारि खाबु गैयाबालानो दुब्लि बारिआव दै सोनायनि राहा लानो हादोंमोन। खुंथायनिफ्राय आबाद मावनानै जाग्रा सुबुंफोरानो नांगो रोखोमनि खाबुखौ दासिम होनो हायाखै। जाउनाव आबादारि सुबुंफ्रा गोसो गुदुडै आबादखौ मावनो हाया जायो। बेखायनो आबाद मावनानै जाग्रा राइजो राजाफोरनो नांगो रोखोमनि खाबुफोरखौ होनो नाजानांगोन सरकारि। □

दिनेनि फान्जामुधि


राशि बाइदियै मुंनि गिबि हांखो
 मेष : अ ल बृष : ऊ ब (उ ए इ) मिथुन : क छ (ड ङ)
 कर्कट : ड ह सिंह : म ट कन्या : प ठ (ण ष)
 तुला : त र वृश्चिक : ब न धनु : ध भ (ड फ)
 मकर : ख ज कुम्भ : ग श (स) मीन : द च (ख ज झ)

- मेष:** सोरजोंबा बायदिसिना होन्नानै निन्दा होजाबनो हागौ। गोसो ह्मथानानै थानांगोन।
- बृष:** मोजां खामानि मावलांनो हानायनि मान होजानो मोनो हागौ। गोजोन्नाय मोनगोन।
- मिथुन:** बेफार-फालांगि मावनायाव रां मुलाम्फा मोनो हागोन। फारफ्रोमथिबो मोजां।
- कर्कट:** रांखावरि आखाइयाव गैयनि थाखाय जारला जानो हागौ। सानाया जाफुनाय नडा। गोसो ह्मथा।
- सिंह:** सुथुर जालायनाया जोबनाय नडा। सांग्रां जानानै थानांगोन। फारफ्रोमथिबो नोजोर होनाया मोजां।
- कन्या:** गोसो थोलायनायनि बान्दोआ गोर जागोन। लोगोफोर ह्मनो हागोन। मोजां सान।
- तुला:** मानिबा जाहोनाव गोसोआ अहंकार जानो हागौ। जेखि जाया गोसोखौ ह्मथानांगोन।
- वृश्चिक:** माखौबा लानानै गिनाय सोमजिखानो हागौ। गोसोखौ लोरबां खालामनो नाडा।
- धनु:** सोरजोंबाफोर दावरव-दावसि जाफलांवायनो हागौ। गोसोखौ कैच ह्मनानै लाखिनांगोन।
- मकर:** सुथुरफोर गोमालांजोबगोन। गोजोनै थानो हागोन। मोजां सम।
- कुम्भ:** बायदिसिना होन्नानै सन्देह'खालाम जो हागौ। जैरेबो सांग्रां जानानै थानांगोन।
- मीन:** सोरबा मोजां सुबुंजों लोगोथि खालामनानै लानो हागोन। गोजोन्नायखौ मोनो हागोन।

भारतआव फिन सानसेयावनो करनानि गासै 26,115 केस मोनफिन्दों

गोदान दिल्ली, 21 सेप्टेम्बर : हादतआव फोर्बेनि सिगां सिगां करना इनफेक्सननि अन्जिमाया गोबां दावखलायनाय फेदों। फिन खनसेबाव हादतनाडै गासै 25,115 गोदान केस मोनबावनाय जादों। बेनि गेजेरावनो गासै 34,469 सुबुंफोर इनफेक्सनखौ फेजेनानै मोजाडव फेदों। बेनि गेजेरावनो एक्टिभ के सयावबो गोबां दावखलायनायखौ नुनो मोन्दों। आधिखालाव हादतआव सांग्रां के सनि अन्जिमाया गासै 3.09,575 दडा। बे अन्जिमाया थांनाय 6 दाननि गेजेराव बयनिखुइबो बाडयसिन जादों। करनानि गोदान केसआ गोखैथे

काश्मीर हायेनाव उत्खारि हाबफैखोमानायनि खैसार, सान्थिनि अपारेसन सोलिगासिनो दड



जम्मु, 21 सेप्टेम्बर : जम्मु-काश्मीरनि उरि सेक्टरआव भारतयारि सान्थिफोरा लास्त्रियै मोनसे गिदिर अपारेसनआव नांथाबनानै दड। अदेबानि उरि सेक्टरआव गोबां हाथियारफोरजों लेस जानाय उत्खारिफोरनि मोनसे हान्जानि गेजेरजों हाबफैखोमानो नाजानायनि उनाव इन्टरनेट आरो मबाइल फन सिबिथाइफोरखौ बन्द खालामो। सुलुनि बायदब्ला, बे हाबाफारिया थांनाय 30 घन्टानिफ्रायनो सोलिगासिनो दड। उरि सेक्टरआव थानाय एलअसिनि खाथियाव हाबफैखोमानो नाजानाय जादोंमोन। बेनि उनाव उफ्रा सान्थि हान्जाफोरखौ लिंहरनाय जायो आरो गिदिर ओन्सोलाखौ बेंखन्ना लायो। सान्थिनि बायदब्ला, बेयो बे बोसोरनि नैथि हाबफैखोमानो नाजानाय। बेनि गेजेरजों सान्थिनि सासे गागि कामान्डारआ आधिखालनि थासारनि सायाव बाश्रा बुंनानै बुडोदि, बे बोसोरव दावहा दोन्थनायखौ सिफायाखै आरो सिमा बारनानै हाबफैनायनि जेबो जाथाया नुजाथियाखै। □

गोबाव समनिक्रायनो जोनोम लादोंब्लाबो खामानि मावग्राया सम्पतिनि बिगुमा जानो हाया: सुप्रिम कर्ट



गोदान दिल्ली, 21 सेप्टेम्बर : सुप्रिम कर्टआ मोनसे मख'जाथाव थांखि लानायाव बुंदोंदि, खामानि मावग्रा एबा जोथोन लाखिग्रा सुबुंआनो सम्पतिआव माब्लाबाबो मोनथाय गैया, अदेबानि बियो गोबाव समनिक्रायनो जोथोन लाबाय थानायनो जाया मानो। बे बाश्राखौ बुंनानै सुप्रिम कर्टआ सेसन कर्ट आरो कलकाता हाइकर्टनि थांखि लानाय जेराव सम्पतिनि सायाव साखरनि दाबि दैखानायखौ

लोगोसे हादतनाडैनि बाजारफोर खुलिबाय आरो स्कुल कलेजफोरखौबो बे दानआवनो खुलिनाय जादों। बेनि गेजेरावबो करना इनफेक्सननि गोसारनाय गोखैथिया बाडय जानायाव गिदिर हुंखा मोन्दों। लोगोसे करनानि केसआ बाडय जानाया रांखान्थिनि थाखायबो मोजां जादों आरो बेनि गोहोमखौबो नुनो मोन्दों। बिफानारनि बायदब्ला भेक्सिन थुनायनि अभियानआ गोखै जानायनि जाहोनावबो करना केस दावखलायनायनि जाहोन। दासिमाव हादतआव गासै 81.85 कौटिनिखुइ बांसिन करनानि भेक्सिन थुनाय जाखांबाय। 17 सेप्टेम्बरआव गाहाइ मन्थ्रि नरेन्द्र मदिनि जोनोम साननि समाव सानसेयावनो 2.5 कौटिनिखुइ बांसिन भेक्सिन थुनाय जादोंमोन। □

भारतआ गोबां अन्जिमानि टिका थुनायाव जाफुंसारनो हादों, हुआ बाख्नायहरदों

गोदान दिल्ली, 21 सेप्टेम्बर : हुनि खोला सान्जा एसियानि ओन्सोलारि बिथोनगिरि डा: पुनम खेत्रपाल सिंआ बुजे, भारतयाव करना टिका थुनाय हाबाफारिखौ गोखैसिन खालामानाय आरो गोबां अन्जिमानि टिका दोनथुमनायनि गोहो दड। बिथाडा बुंवावयो, बैसो गोर नोगोरारिफोरनो टिका थुनायनि थांखिखौ जाफुंसार होगोन। अदेबानि करनानिफ्राय रैखा मोन्नायनि नेम-खाथिफोरखौ फालिनायजों लोगोसे गोबां अन्जिमानि टिका थुनायजों भारतआ महामारिनि

दोहों फैनायखौ होबथानो हागौ। बिथाडा करना महामारिखौ फेजेनो थाखाय भेक्सिनखौ समानै रानानै होनायनि गोनांथिबो होयो। भारतआ माखासे समाव सान सेयाव 1 कौटिनिखुइ बांसिन ड्रप थुखांबाय। भारतयाव गोबां अन्जिमानि टिका थुनायनि आबुं राह दड। भारतआ दासिमाव गावसोरनि खावसे अन्जिमानि सुबुंफोरनो भेक्सिननि गिबि ड्रप थुबाय आरो 20 कौटिनिखुइ बांसिन सुबुंफोरनो मोनै ड्रप थुखांबाय।



गोदान दिल्ली, 21 सेप्टेम्बर : हादतनाडै फिन खनसेबाव आबादारिफोरनि भारत बन्द जानो थांगासिनो। फेगौ 27 सेप्टेम्बरआ आबादारिफोरा हादतनाडै बन्द फोसावदों। बे बन्दखौ आबादारिफोरा गोदान आबाद आइननि हेंथायै फोसावदों। मख'जाथावदि, मोनथाम आबाद आइनफोर पास जानाया 1 बोसोर बारलांबाय। अब्लाबो आबादारिफोरा बेफोर आइननि हेंथायै दिल्लीजों नांजाबनाय सिमनाफोराव थांनाय बोसोरनिफ्रायनो धर्ना होबो गासिनो। दिल्लीनि सिमनाफोराव हादतनाडैनि आबादारिफोर थुबुर जानानै धर्ना होदों। फासैथि हादतनि गुबुन गुबुन राइज्योफोरावबो आबादारिफोरा धर्ना होगासिनो थादों। जुथाय आबादारि आफादआ 27 सेप्टेम्बरआव हादतनाडै भारत बन्द फोसावदों। जुथाय आबादारि हान्जानि अनगायै गुबुन

गुबुन सोलौंथाय फसंथानफोरखौ खुलिनो गनायथि होनाय जानाय नडा। अदेबानि बे समाव इमारजेन्सि सिबिथायफोर खुला थागोन। आबादारि हान्जाया गावसोरनि मावथिफोरखौ बै सानाव जायखि-जाया रोखोमनि जाथाय खालामैनि बिथोन होदों, जाहाथे हिंसा एबा दावराव-दावसि सोमजिया। बे बन्दआ सरकारनि हेंथायै, नोगोरारिफोरनि हेंथायै नडा होन्नानैबो आबादारि आफादआ बुंदों। □

भारतआव दासिमआव 81.85 कौटिनिबो बांसिन सुबुंनाव करनानि टिका थुबाय



गोदान दिल्ली, 21 सेप्टेम्बर: भारतआव करनानि टिका थुनाया गोखैयै बारायबाय। थांनाय 24 घन्टानि गेजेराव 96,46,778 करनानि टिका थुनायजों भारतआव दिने मंगलवार 21 सेप्टेम्बरसिमआव सा 81,85,13,827 सुबुंनि देहायाव करना भेक्सिन थुखांबाय। देहा आरो नख'र मावख'निफ्राय बेनि सोमोन्दै रोखायै फोरमायदों। सुलुनि बादिब्ला, दासिमआव गासै सा 1,03,69,386 देहा मावसुमाफोरनि देहायाव करनानि गिबि ड्रप टिका थुबाय आरो सा 87,50,107 देहा मावसुमाफोरनि देहायाव मोननैबो ड्रपखौ

थुखांबाय। लोगोसे फ्रन्टलाइन मावसुमाफोरनि सा 1,83,46,016 सुबुंफोरनाव गिबि ड्रप आरो सा 1,45,66,593 सुबुंफोरनाव मोननैबो ड्रप भेक्सिन थुबाय। देहा मावख'नि बादिब्ला, गिबि ड्रप महरै दासिमआव गासै सा 33,12,97,757 सुबुंनि देहायाव करना भेक्सिन थुबाय। 18-44

गिबि मन्थि भुपेन्द्र पाटेलआ गाहाय मन्थि आरो नख 'र मन्थिजों लोगो हमदों

गोदान दिल्ली, 21 सेप्टेम्बर : गुजरातनि गिबि मन्थि भुपेन्द्र पाटेलआ बिबान सामलायनार्यनि उनाव गिबिये गाहाय मन्थि आरो नख 'र मन्थिजों लोगो हमो आरो बिथांमोनजों गुजरातनि जानो गोनां बिधान सभा बिसायख 'थिफोरनि सिगां पाटिखों गोखों खालामनार्यनि थाखाय माखासे थिरांथाफोरखों फोरमायदों। हमदंनार्य जादोंदि, बिथांमोननि फार्सेनिफ्राय पाटेलखों बुंनार्य जादोंदि, बिसोरो रइज्योआव थाबथानानै थानाय प्रजेक्टफोरखों थाबैनो फुरा खालामनार्यजों लोगोसे खुंथाय खुंनार्यबो सोलायनार्य लाबोनांगोन जाहाथे सुबुंफोरनि गेजेराव सरकारनि सावगारिया



मोजाडे थायो। गुजरातनि राजथावनि गान्धीनगरआव 3 अक्टूबरआव ओन्सोलारि बिसायख 'थि जागोन। बेजों लोगोसेनो फैगो सप्ताहयाव बिधान सभानि मोनै हान्जानि दैज्जलां बोथोरनि जथुमाबो लिंथुमदों। बे बायदियाव पाटिनि नोजोरा बे मोनैनि सायावनो बांसिन जागोन। जाय

परिजनफोरखों फुरा खालामनार्य सरकारनि बयनिखुइबो देरसिन सिगांगो मावनांगो, बिबान बेयाव सिमा दर्शननि थाखाय जागायनो गोनां नडाबेट परियजना आरो कच्छआव रिनिउएबल एनार्जि पार्क बानायनार्य दंफायो। बे प्रजेक्टखों वाचा अटारी सिमानि पेटनर्याव बानार्य गासिनो।

गुवाहाटी, 21 सेप्टेम्बर: फैगो 22 सेप्टेम्बरआव बकाकाटआव सरकारआ गासै मोन 2479 गान्दानि गंखों सावगोन। जायखों सरसन्ना महरै नडा, आबुडे धोरोमारि नेमखास्थिजों बे गान्दानि गंफोरखों सावगोन। नाम- प्रसंग, मोन्थार आवरायनार्य, आध्यस्त्राद्व 'नि गेजेरजों गंफोरखों सावनाय जागोन। गान्दानि गंफोरखों सावजोबनो थाखाय गासै 8-10 घन्टाणाडे सम नांगोन होनानै मिथिनो मोनार्य जादों। बकाकाट राइज्योयारि गेलेमु फोथारआव गान्दानि गंफोरखों सावगोन आसामनि गिबि मन्थि उ हिमन्त बिश्व शर्माया। गाबोन बुधवारखालि फुनि 7:30 रिंगायाव बकाकाट



ट्रेजारिनिफ्राय रेखाथिनि गेजेरजों गान्दानि गंफोरखों बकाकाट राइज्योयारि गेलेमु फोथारसिम लाबोगोन। बेनि उनावनो मुलुगनां गान्दा सानखों लोब्बा लानानै नाम फुजा होनाय जागोन। बेबादिनो थैनाय गान्दाफोरनि जिउमा गोजोननि थाखाय सारादु होनाय जागोन। सारादु होनायनि थाखाय

तिनिसुकियानिफ्राय सा 19 पुरहितफोरखों बकाकाटआव लाबोनाय जादों। गान्दानि गंफोरखों सावनायनि उनाव हांगारखों बुर्लुबुथुर दैमायाव फोजावहैगोन। आथिखालाव साखा-फाराया आबु जाबाय आरो माखासे घन्टानि उनावनो बकाकाटनि राइज्योयारि गेलेमु फोथारआव सावनाय जासिगोन मोन 2479 गान्दा गंफोरखों। जायनि थाखाय राइज्योनि हाग्रा बिफानजों लोगोसे ट्रेजारि बिफानआ सांग्रांथि जादों।

मख 'नो गोनांदि, बे आयदायाव जायगानि एमएलए, गागि मन्थि अतुल बरया सावग्रा जायगाखों नायसंफेनानै मिथिनानै लादों। हाग्रा बिफानआ मुलुगनि गेजेरावनो गिबि खेबनि थाखाय गोबां अन्जिमायाव गान्दानि गंफोरखों सावनो लानाय हाबाफारिआ जाफु सारगोन होनानै फोरमायदों। मुलुगनां गान्दा सानआवनो गंफोरखों सावनायनि थाखाय गलाघाट, कार्बिआंलं, नगाव, बिटिआरनि जिल्लाफोर, कामरूप, मरिगाव, बिस्वनाथ जिल्लानिफ्राय गोबां ट्राक बकाकाटआव ट्रेजारिसिम लाबोदों गान्दा गंफोरखों। गिबियावनो गलाघाटनि ट्रेजारि, बकाकाट ट्रेजारि आरो कहर हाग्रा ओन्सोलाव थानाय गान्दानि गंफोरखों सावनाय जागोन। गासै मोन 6 जायगायाव गान्दानि गंफोरखों सावनाय जागोन। बेनिनो

मोनबै आव गलाघाट आरो बकाकाट ट्रेजारिनि गान्दा गंफोरखों सावगोन। गुबुन मोननै जायगायाव गुबुन जिल्लानि ट्रेजारिफोरनि गान्दा गंफोरखों सावगोन। बे सावनाय हाबाफारिआव हाग्रा मन्थि परिमल शुक्लबैध्य, आबाद मन्थि अतुल बर, गंखास्थि मन्थि अजन्ता नेवग, गागि जौगाखां मन्थि रजित दास, गुवाहाटी जौगाखां मन्थि अशक सिंघाल, हान्था-मेला आरो उद्यम मन्थि चन्द्र महन पाटवारि, हेन्डलुम एन्ड टेक्स्टाइल मन्थि उखाव गोरा ब्रह्म, देहा मन्थि केशव महन्त, दै सम्पद मन्थि पियुष हाजिरिका, रेभिनउ मन्थि ज्ञान महन, बिटिआरनि गाहाय मावफुं सोद्रोमा प्रमद बर', कार्बिआंलं गावखुं थाय गौथुमनि गाहाय मावफुं सोद्रोमा तुलिराम रंहांमोनहा नुजाथिफैगोन।

कलाइगाव सार्केल मावखुलिनि सासे दालालखौ हमबाय

कलाइगाव, 21 सेप्टेम्बर: आसामनि गिबि मन्थि उ हिमन्त बिश्व शर्माया सार्केल मावखुलिआव हानि दालाल खालामनार्यफोरखों बन्द खालामनार्यनि नाजानार्यखों आसामयारि राइजो-राजाफोर हेफाजाव होदों। बे आयदायावनो मैया नोगोरमा गुवाहाटीजों लोगोसे आसामनि गुबुन गुबुन जिल्लानि सार्केल बिबानगिरि मावखुलिनि हानि दालाल खालामनार्य गासै 400 निफ्रायबो बांसिन हानि दालालफोरखों पुलिसनि जर 'खा दालाइआ हमनो हादों। मख 'नो गोनांदि, उदालगुरि जिल्लायाव पुलिसआ गासै सा 5 हानि दालालफोरखों हमदों। बिसोर दालालफोरनि गेजेराव कलाइगावनि सासे दालालखों कलाइगाव पुलिसआ थानाय हरनि 10.00 रिंगासोआव हमो। पुलिसजों हमजानाय दालालखों कुशल बरुवा होनानै सिनायथिदों। कुशल बरुवानि न'खों कलाइगाव थानानि सिडाव थानाय गेरुवाआव होनानै मिथिनो मोन्दों। हमजानाय कुशल बरुवाआ कलाइगाव सार्केल मावखुलिनि सासे पेटिसन राइटरमोन। मख 'नो गोनांदि, खौरां सुजुनार्यसिमआव हानि दालाल कुशल बरुवाखों कलाइगाव पुलिसआ गावसिनि आखाइयाव लादों।

राइज्योनि गुबुन गुबुन जायगानिफ्राय सा 453 हानि दालालफोरखौ हमबाय



गुवाहाटी, 21 सेप्टेम्बर: आसामनाडे नो माखासे जिल्लाफोराव हरखाबै सिग्रोमनार्य हाबाफारि लानानै पुलिसआ आथिखालिसिमाव सा

दालालफोरनि हेंथायै पुलिसआ सिग्रोमनार्य हाबाफारि लादोंमोन। दिने आसामनि गिबि मन्थि उ हिमन्त बिश्व शर्माया बेनि सोमोन्दै बुंथिदोंदि, थानाय हरव सा 450 निबो बांसिन दालालफोरखों हमनाय जादों। गासै सा 700 नि मुंफोरा फारिलाइयाव दड। जायखों दिने मोनाबिलिनि गेजेराव साफ्रोमखौबो हमनाय जागोन। मख 'नो गोनांदि, जोनोमनि फोरमानलाइ, थैनायनि फोरमानलाइ दिहुन्नायनि मुडावबो दालालफोरा रां लायो। बेफोरखों गासैखौबो बन्द खालामनांगोन। नडाबला आसामआ माब्लाबाबो हादरनि गेजेराव जौगाखांनार्य राइज्यो जानाय नडा होनानै गिबि मन्थिआ बुंथियो।

हिरेडन फालांगिरि सानै बिसि-फिसाइखौ हमदों

गुवाहाटी, 21 सेप्टेम्बर: सिग्रोमनार्य हिरेडनजों आबु आसामनि हाजोयारि जिल्ला महरै मिथिजानाय कार्बिआंलंआव पुलिसआ फिन ड्रगसनि हेंथायै सिग्रोमनार्य हाबाफारिआव जाफुंसारदों। बकाजान महकुमानि पुलिस बिबानगिरि जन दासनि देदेनार्य पुलिसनि मोनसे हान्जाया खटखटि गनकपुर ओन्सोलाव

बिसि-फिसाइ फारियै कायहा माउ आरो बेसि माउ मुनि सानै सुबुंखौ हमो। हमजानाय ड्रगस फालांगिरि सानैनि न'खौ नागालेण्डनि डिमापुरआव होनानै मिथिहोदों पुलिसआ। बेनि सोमोन्दै पुलिसआ मोनसे केस थिसनानै संदानार्य खामानिआव नांथाबो।

काला जठेडीजों लोगोसे सा 11 दायनिगिरि-फोरनि हेंथायै चार्जसिट थिसनबाय



गोदान दिल्ली, 21 सेप्टेम्बर : दिल्ली पुलिसआ लरेन्स जठेडी गैनि गाहाय लरेन्स बिश्व आरो काला जठेडीजों लोगोसे सा 11 दायनिगिरिफोरनि हेंथायै बिजितसालियाव चार्जसिट गनायदों। पुलिसआ बिसोरनि हेंथायै मक्कानि गुबुन गुबुन आटिकेलनि केस थिसन्दों। दिल्ली पुलिसनि स्पेसेल सेलआ चार्जसिटआव लरेन्स बिश्व, सन्दीब अरफे काला जठेडी, राजकुमार, सम्पत नेहर, प्रियाब्रत अरफे काला, बीरेन्द्र प्रताप, नेन्द्रे सेठि, अनिल पवन, अक्षय, समबीर आरो सचिनखौ दायनिगिरि होना मख 'दों।

पुलिसनि बादिब्ला, दिल्ली, हरियाणा, सोनाब उत्तर प्रदेश बायदियाव बे हान्जाया धोन आर्जिनो थाखाय बेबादि हाबा मावोमोन। बे हान्जानि गाहाय लरेन्स बिश्वइनि हेंथायै 25 नि बांसिन गोब्राब केस दड। चार्जसिटआव पुलिसआ दिल्ली, हरियाणा आरो उत्तर प्रदेशआव दायनिगिरिफोरनि रोखा आरो आयेन बेरेखा सम्पतिफोरनि खेंफोरथिबो होदों। पुलिसनि बादिब्ला दायनिगिरिफोरा बे बादि खामानिखौ मोगथां महर होनानै बेफोर सम्पतिखौ सोर्जिदों। काला जठेडीनियार्य आर्जिनार्यनि


भवानीपुर, 21 सेप्टेम्बर: बावैसो सान सिगां रंसारि जानाय समाज सिबियारि, धोरोम सिबियारि भारती पाटवारिनि गोसोखां मेलखौ मैया पाटशाला सान्तिपुराव थानाय सुस्टिमय ए स्टेफ फर लाइफनि मावखुलिआव खुंफुंनार्य जादों। गागि सावगारि बोप्रा, फावखुंगुर

आरो पाटशाला फरायसालिमानि प्रफेसार सनाथन काकटिनि आफादगिरि मासि सामलायनार्यार्य खुंफुंनार्य मेलआव बाहागो लानानै नलवारिनि गागि लिरगिरि दिपालीमा दत्तआ रंसारि जानाय भारती पाटवारिनि रम्य रन्साइ सुजुनार्य असमीया थुनलाइनि सम्पद होना मख 'नानै स्केच आयदानि जिउनि आयदानि खन्थाइ दोंसे फरायथियो। मेलावनो गुबुन सासे गागि लिरगिरि मिना तालुकदारआबो भारती पाटवारिनि समाज सिबिनार्यनि सोमोन्दै बिबुंथि होयो। बे मेलावनो बाहागो लानानै बजालिनि लाइमोन खन्थाइगिरि आरो सुस्टिमय सावराय लाइसिनि सुजुगिरि

धिमान बर्मनआबो रंसारि भारती पाटवारिनि सुबुं हारिमुनि बिफाव थानाय बायदि बिथिनि सायाव बुंथियो। बे मेलावनो रंसारि पाटवारिनि सानै बिनानाव हिमानि मैधि, भाग्यबति तालुकदार, सानै फिसाजो गिता पाटवारि आरो भिन्ता पाटवारि, बिहामजो दैबाकि पाटवारि, बिबेक पाटवारिनिमोनजों लोगोसे लाइमोन खन्थाइगिरि गरिमा भाद्वज, गागि समाज सिबियारि कैलाश तालुकदारमोनहा बिबुंथि होदों। आफादगिरि मासि सामलायनार्य सनातन काकटिआबो भारती पाटवारिनि सोमोन्दै गुबारे बिबुंथि होदों। मख 'नो गोनांदि, थानाय 10 सेप्टेम्बरखालि भारती पाटवारिआ रंसारि जादोंमोन।

दिल्ली गोजौ बिजिरसालिआ टि टि एफ आइनि हेंथायै मनिका बत्रानि अजदलाइखौ मिरुनि जानानै खेंफोरथि होदों

गोदान दिल्ली, 21 सेप्टेम्बर: दिल्ली गोजौ बिजिरसालिआ माहारियारि केम्पआव बाहागो लायैनि थाखाय एसियान टेबल टेनिस सेम्पियनसिपनि थाखाय भारतयारि हान्जायाव जायगा आवग्रिनो हायै मनिका बत्रानि अजदलाइयाव मिरुनि जानानै सांथि देखदों। भारतयारि टेबल टेनिस एस एसिसिपनि एसियान से स्पियनिसिप आव सायख 'जानायनि थाखाय माहारियारि केम्पआव बाहागो लानांगौखों गोनांथार खालामदोंमोन। जारिस्टस रेखा पल्लिआ मिरु सरकारनि उक्लिखौ साननैनि सम होदों। अजदलाइयाव दाय जाबसिनार्य बादिब्ला, माहारियारि कच सौम्यदीप रयआ बत्रानि सायाव



मोनसे मेचआव जेनायनि थाखाय नारिसन्दोंमोन। जाहाथे गावनि गेलेगिरिफोरखों 2020 नि अलिम्पिक क्वालिफाइड खालामनो हायो। बत्राया फे एरेसनि सामलायथि बिथोननि सायाव नायबिजिनगो दाबि देखदोंमोन। बिजिरगिरिआ कचनि हेंथायै दाय जाबसिनार्यखौ गोब्राब होनानै फोरमायदों आरो बेनि थाखाय मिरु सरकारआ बेनि फासै सांग्रांथिखौ दिथिनगोन होनानै फोरमायो।

बिजिरगिरिआ बुदों, बिथाड गोजौ सारिनि गेलेगिरि। जुदि कचनि हेंथायै बेबादि गोब्राब दाय जाबसिनार्यखौ मिरु सरकारआ माखासे गोखों सांग्रांथिखौ दिथिफुंनगोन होनानै फोरमायो। बत्रानि उक्लि सचिन दत्तआ बुंदोंदि, गासै मोन्थार्यफोरखों बोखरसानै माहारियारि थाखोआव बाहागो लायैनि थाखाय बत्राखौ फैगो सेप्टेम्बर-अक्टूबरआव जानो गोनां एसियान सेम्पियनसिपआव गेलेनो खाबु होनार्यनिफ्राय जानार्यार्य लायिदों। बिथाड बिजिरसालिनिफ्राय बेबादि नेमखास्थिखौ बन्द खालामनो दाबि देखदों आरो फैगो नभेम्बरआव गुबुन मोनसे हारिमायारि दुर्नामेन्टआव बाहागो लानो मोनगौनि सायाव फोरमायदों।

M.A./M.Sc. थाखोआव गोदानै मुं थिसनार्य

गोजेन्थाव खौरांदि, कक्राझार सरकारि फरायसालिमायाव देग्लायनिफ्राय बर'लेण्ड मुलुग सोलॉसालिनि सिडाव आरोबाव मोनथाम बिफानआव फारियै बर' बिफान, गंखास्थि बिफान आरो जारिमिन बिफानआव आरिमु गोर (M.A.) थाखो गोदानै थिसनार्य जाबाय। गोसो गुदुं फरायसाफोरा 2021-22 माइथार्यनि सेथि फरायसमनि थाखाय मख 'नाय बिफानआव मुं थिसनार्य आन्जाद (Entrance Examination) होनो गावबा गावनि मुंखौ रेजिस्टार खालामनो हासिगोन। लोगोसे, बे फरायसालिमायाव सिगांनिफ्रायनो थाखानार्य असमीया आरो इंग्रजि आयदानि आरिमु गोर (M.A.) आरो रासायण बिगियान आरो सानखास्थि आयदानि बिगियान गोर (M.Sc.) थाखोफोरावबो मुं थिसनार्य आन्जादनि रेजिस्ट्रेसनआ सोलिगासिनो दड। मुं थिसनार्य आन्जादनि थाखाय : 200/- रां रेजिस्ट्रेसन खालामनार्यनि जोबथा खालार : 28/09/2021 (बेलासिनि 4:00 रिगासिम) मुं थिसनार्य आन्जादनि (अफलाइन) खालार : 29/09/2021 (फुनि 11:00 बाजिनफ्राय 12:30 रिगासिम) सायख 'जानाय फरायसाफोरनि मुं फोसावनाय खालार : 01/10/2021 मुं थिसनार्य खालार : जौनि फरायसालिमानि वेबसाइटआव फोसावनाय जागोन। बे मुं थिसनार्यनि सोमोन्दै गुवारै मिथिनो थाखाय फरायसाफोर जौनि फरायसालिमानि वेबसाइट www.kgc.edu.in एबा 9435760149 नम्बरआव सुलाद लानो हागोन। मुंसाइ उ बन बिना ब्रह्म गोरगुं कक्राझार सरकारि फरायसालिमा कक्राझार, बि.टि.आर. आसाम

लिमारिक

(1)

आगै रना नों बेसे समायना !

नों आनावनो खारस'न फैगोना ?

आंबोध' लागोन्ना देग्लायनोखा,

नोंबोध' बिनि थाखैनो फाग्लिखा ।

(2)

आंनि गोसो थोनाय अनजालिया जाबायनो सोरजोंबा,
बेखौं सानै-सानैनो जावलिया जालायबाय आंबो जाम्बा-
जाम्बा ।

आंहाबोसो गैया नालाय गंसेबो साइकेल, मटर-गारि,
आथा-खिथा जाम्बिया खेवसेल' गाखोनो मोननायखौंनो गारि ।

(3)

बुडे आंखौं लोगोफ्रा मैथा खावब्ला,

नुनायावबोसो आंनि महरा गुरब्ला-ब्ला ।

जाबाय नालाय आंबो सासे सेंग्रा मोल्दा,

गोसो थोनायावबोसो गर'न्थ' गैयै जानल्दा-मोनल्दा ।

(4)

जों लागोनिलाइ सेंग्रा मोल्दाफोर,

एदावनाय-जंखायनाय दा-जुजि नोंसोर सिख्लाफोर, ।

हाया-हाखायाबो, रावबो हाखाया जों-जों,

थाबायनाय सासेबो सिख्लाफोरानो बारग' आ जोंनि लामा
सेराजों ।

(5)

गोसो थोनाय बेरामालाइनो गानो रोडै-बेराम,

गोसो थोलायग्राफ्रा बेखौंनो सानो जोबोद आराम ।

बुजिनानै, मिथिनानै आरो सानानै नोंसोर लाखा,

नडब्ला मोनजागोनबो मोजां-मोननायनि फिथायाबो गोखा ।

अतुल राज नार्जरी
थाखो- कलेज
गामि- जाम्बुगुरि

सिमांनि अनजालु

सोर नों अनजालु रजे

साया माया आंजों अराय गेलेफैयो

नाथाय सिमांआव ल मोकथांआव

मोना मानो नोंखौं ।

सानो आं नोंजों लोगोसे जिरायना

फोरमायनो गोसोनि खोथा

गोदैं रावजों ।

नोंनि जारौ गुस्थनि मिनिखेरो

मिनिनाइआव जायो आदि बेसे

बोदोर बावलि ।

हास्थायो आं नोंखौं अराय

मोननो मोकथांआव

फैमाल नाथाय साननाया आंनि

खालामबाय अनजालु नों आंखौं

अरायबो सिमांनि फागोलि ।

मिस मिजिं रानी नार्जरी
कक्राझार गार्ल्स एड्स एस स्कुल
गामि: गाग्रागुरि

मायानि लैथो

सोर मिथिजोबदों..... ?

सोरनि गोबों मिजिड मा गाबनि ।

सोर हमदांजोबदों..... ?

संसारनि माया लैथोआ बेसे गोथौं ।

आंबोध' मिथियामोन, बुजियामोन

दिमोल लैथोनि सिडवबोदि-

बेसेबांबा गिखंथाव दाहार दं..... !

समायना संसारवबोदि बिजानु दं ।

गोबोंनि थैया दिनै आंनि लाथा खादों

संसार लैथोनि मायाखौं बिजिरबायाव ।

जों मिथिगौं, सुबुंआ अबनि गांगा थफा

दसेनो देरनाय, गुबुनाय,बुखारलांजानाय

थेवब्लाबोदि सुबुंफ्रा लाबोफायो जोनोमजों

संसार लैथो बारनो "स" नानि दिड" ।

नाथाय सुजुनादों हनै फैलाव भुमाव-

सोरबा फानफेवाल्लिनि दिखार गोनां दंखो

सोरबाबा रोजाबनो मोन्दों मिलैहाब मैनानि दंखो

थारैनो भुम संसारआ मायानि लैथो" ।

कानन बसुमतारि
जनता कलेज, सेरफांगुरि
गामि- 2 नं मिलनपुर
ला:सो:- पाटगाव
जिला- कक्राझार, बि टि आर

गोसो थोनाया मा ?

नुफा माफा नुसै बिनि महरखौं

जेरावखि थाया साया माया,

बुजि मोना आंबो

मानि माया बेलाय ?

आंनि मेगनआवल' बिनि महर

जाखौंफैयो नामा अराय सम,

जानाय, लोंनाय, उन्दुनाय

सिमां मोकथां जेरावखि थाया ।

आंनावल' ? ना गुबुननावबो,

नड नड बे जानो हाया

जोनोमाव बयहाबो जिउनि

बुंनो सासे थायो ।

आंनि मेगनावल' बेयो नड,

बयनिबो मेगनाव बिब्दिनो

जिउनि अनजालु अनजालिनि महर मुश्री ।

बुजि मोना आं

गोसो थोनाया मा ?

मिस पद्मिनी नार्जरी
के.जि. एड्स एस स्कुल
गामि- काकर मारि

अननायनि दौलें

जोनोमनि नैबे थांजासिम होनानै,

सानदोंमोन आं गोजोनै थानो हागोन,

गैया नाथाय आंहा गोजोन ।

अननाय मोजां मोननाय दंब्लाबो,

दुखु दाहानि गेजेरजोंसो ।

जिउनि लाइमोन बैसोआवनो

होफलांबाय आं नोंनो अननायनि दौलें ।

लानांबाय आं दुखु दाहा

गोरबो सिनिफ्राय बोहैनाय

जिरि जिरि मोदेनि निजोरा

राहा गैया हमथा हानो आंहा ।

आंनि मेगननिफ्राय बोहैनाय मोदैंआ,

जानांगौ अननायनि रुं गैयै लैथोनिखा ।

दड अननायनि मिजिनि सायाव आंहा,

हेंथा हिंसि दावराव दावसि दुखु-दाहा ।

रंजानाय मिनिनाय गैया आंहा,

हांमा हांसांनि गेजेरजोंसो मिजिं दं.

आंनि लायमोन बैसोखौं बिदाय हरनो,

अब्ला हरनाय मोननाय नडामोन ।

गोरबोयाव बोहैनाय नडामोन मोदेनि निजिरा

अननायनि गोदैं रावा जाफुंडेब्ला मिजिनि सायाव,

मोनगौमोन दिनै सुबुंनिफ्राइ बाखोनायनाय,

गोरबोयाव बोहैगौमोन सुखुनि मोदैं ।

समेन नार्जरी
जोंमा बड' फरायसालि
प.अ.- पाटगाव

दिवाना

हाय ! अनजालि नोंनि हायना

महरा खावना लांबाय आंनि

आजोला गोसोखौं,

दिवाना जाबाय आं नोंखौं

जीउनि लामायाव लोगो मोनानै ।

फैलाव हायेननि गेजेराव गेवलां

महरै बारखोमाना थानाय नों

बारसे समायना गलाब बिबार ।

मा' एसेबां हायना गोनां स'ना

नोंनि महरा, मा एसेबां मुहनि

गोनां नोंनि गोदैं रावआ ।

जाना थाबाय अनजालि नोंनि

महरा' आंनि गोरबो इसियाव

अरायनि थाखाय गोमोर रोडैं

थाज महल जाना ।

नोंखौंदि आं बेसेबांबा मोजां मोनबाय-

स'रि-सरि- चुपके-चुपके जालांबाय आं

दिल तो पागल है ।

आजोला बैसोनि आलासि जीउयाबो

नोंखौं लानानै जालांबाय दिवाना !!!

बिसारसिं बसुमतारि
जनता कलेज, सेरफांगुरि
थाखो-आरिमु जालिया (1 थि बोसोर)
गामि- पाटगाव (उलुबारि)

रंजालि गथ' फोरनि सौरा

नों फैफिन माल्लाबा

-जनक उजिर

नोंदि एरायलांदों

दोंसे लामाजों गले-गले

बाइदि समाइना गोदैं रावफोरखौं

आंदि दोनखोमा फिन्नाडे ।

माबैथो सानखो नों

जेसेखि नों होखोमाया

नोंनि मुश्रीयानोथ' हनै बुडे

बिदिब्ला आंनि दाइया ???

आं मिथिगौं नोंनि बिखाया

इनाइखौंदि इसेबो सहाइया

बेखाइसो नामा नों

आगानफ्रामबो दग' -मग' !!!

बाइराब गंसे देरायावनो

बिमाजों उन्दुबोनाइ उफ्ले-उफ्ले

फुथिया-फुथिया सोल्लोनाइ

सानैजों अ,आ बिमानि राव

दाखालिसो बे देरायावनो खोनासनाइ

दुखुनां बडुनि जारिमिन सल'

दिनै गोसो गैयाब्लाबो

मानोबा नों बावगारनो सानो ।

नंखाइ दाइयाव बोरावप्लेनानै

मँगिललायोल' जों सानैजों !!!

थेवबो फैसि-फैसिल' आं बेयो

बाइप्लेनाइ देराखौं फाहामफिन्नो

जेराव थागोन नों-आं आरो..... ।

आगै स'ना द्दरै फांदां

नोंनि हायना गोनां

महरआव आवलिबाय

आंनि गोसो गोबोंआ ।

आदैं मद, जान्जिया नोंनि

मोज्लाय जान्जि, गन्थंआ

नरेंसु बायदि, खावलाय

नोंनि गोजा फाउदुद जागा

जागा आंखौं खुदुमफै आदा

आंखौं खुदुम होनलायनाय

बिखा गोजौ गोजौ, हाथायआ

रिगि रिगि समायना गुफुर,

खानाइआ नोंनि रुमबां,

आखाइआ लाहि मिहि,

गोदोना फले आसिगुर

गोलाउ, रावआ नोंनि

बेरे बिदैं बादि गोदैं गोप्रेम ।

मा एसेबां समायना आगै

नोंलाइ

नोंखौं बे जोनोमाव मोनाब्ला

सामथाइ बिफांआव दिन्दां

गोदोनायाव दौलें लागायनानै

थैगोन आं सयथि

सयथि थैथारगोन

स'ना फांदां ।

भद्रेस्वर सर्गीयारी

सालबारी कलेज

ला:सो:- बेतवारि

जिला-बागसा, बड'लेण्ड

गोरिब सुबुंनि मोजां मोननाय

मोजां मोनदोंमोन आं

नोंखौंनो गोबों बिखाजों

गोसो गोबोंनि अन्नायखौं

नोंनो नो होजोब दोंमोन आं ।

आंनि अन्नाय होनाया

नोंनि थाखाय थोयै-लोमै;

गोसोम महर लाना जायो नों

आंजों मानिबा रागा-रागा ।

आंनि दुखु दाहानि खौरां फोरमायो

नाथाय नों मिनिनानैनो खोमाखौं

फांथेयो,

आंनि अन्नाय होनायखौं

नेवसिबाय नों आंखौं-

गोरिब सुबुं होननानै ।

दुखु थाबाय आं अनजालि

नोंजों बे जोनोमाव जुलि जानो,

सा-साज्रां गोसोजों नोंखौं

मोजां मोनदों होननानै-

आं सानाखौंमोन अनजालि ।

नोंनि आंनि दानदिसे मोजां

मोननायनि रावआ आंनि-

बिखायाव बावनो हायै

थफ्ला खानानै थाबाय अनजालि

बे आंनि गोरिब जिउआव ।

उपेन्द्र बसुमतारि
जायनारी एड्स एस स्कुल
ला:सो:- सिम्बरगाव
जिला- कक्राझार, बि.टि.आर

नागिरनांगौ

लाल महन बसुमतारि
(बिजनी)

बे मोनसे थुनलाइनि धोराम

मुलुगाव दावगाख'नो हायै

हारि-माहारिनि राव-थुनलाइखौं;

बै गोजौयाव दावगा लानायफोरा-

गाहाम नोजोरें.....

लोगोयाव लामा दोंसेयाव सौहैनो नाजानांगौ ।

नागिरनांगौ थांखिया जॉनिया,

गोहो सोनायखौं.....

मोनसे हादोतनि सुबुं अनछाइ राहानि

बिजिरथि फारिलायखौं.....

जाहाथे बैसोरनि सोल्लोथाया अनगोथे जाया;

सिमानि गेजेराव अनसुंथायनि मदद मोननाया गाहाम ।

नागिरनांगौ सोल्लोथाइनि राहा

बेयो मुलुगानिनो मोनसे गिदिर बाहा;

जेराव बिदै गलानि आंथियाव.....

गोबां दुखु-जालां सहायनांगौ जानायाव,

मोनसे हारि-माहारिल' नड

दुलाराय मुलुगआनो जिंजा सिनांगौ जायो ।

निउजिलेण्ड आइजो क्रिकेट हान्जाया बमाजों गाग्लोबनायनि हुमखि मोन्दों

गोदान दिल्ली, 21 सेप्टेम्बर: निउजिलेण्डनि आइजो क्रिकेट टीमजों सोमोन्दोआव थानाय मोनसे गिदिरि केसआ सोराखव फेदों। निउजिलेण्डनि आइजो क्रिकेट टीमआ बम होजानायनि हुमखि मोन्दों। एनजेटसिआबो बे बाश्रानि सायाव फोरमायदों। निउजिलेण्ड क्रिकेट बर्डआ दिने मंगलबारखालि इलेण्ड आरो वेल्स क्रिकेट बर्डनि एनजेटसिजों सोमोन्दोआव थानाय मोनसे हुमखि मोन्नायखो फोरमायदों। निउजिलेण्डनि आइजो क्रिकेट बर्डआ थोंजोडै टीमनिसिम हुमखिनाय बाश्राखो मोनाखें अब्लाबो बाश्रानि सायाव जर'खा राहाजों नायबिजिरनाय खालामनायजों मोनसे सानजाथावना बाश्रा होन्नानै गनायना लानायजों उननि समाव गनायथाव होन्नानै फोथायनाय लायाखें। मख'नो गोनादि, निउजिलेण्डनि आइजो हान्जाया



आथिखालाव इलेण्डआव हान्जानि गेजेराव सिमा गोना दावबायहैदों। बैयाव इलेण्ड आरो निउजिलेण्डनि आइजो क्रिकेट

हान्जानि गेजेराव सिमा गोना अभांरनि बादायलायनाया सोलिगासिनो दड़। थामथि बन्दे

बे हुमखिखो गनायजाथाव होन्नानै फोथायना लायाखें। निउजिलेण्ड क्रिकेट बर्डआ गावसोरनि मोनसे बिबुंथियाव फोरमायदोंदि, ह्वाइट फर्न्स (निउजिलेण्डनि आइजो क्रिकेट हान्जा) या आथिखालाव लिसेस्टारआव सौहेबाय आरो आथिखालाव बिसोरनि रेखाथियाव गोखें सिक्किउरिट होनाय जाबाय। बिसोरनि हुदा खालामनायखो केन्सेल खालामनायनि बाश्राया नंखाय। बिबुंथिआव बुंबावदोंदि, बिसोरहा दिने हुदा खालामनो गोसो जायाखें, मानोना बियो खेबसेल' दावबायनायनि सानमोन। एनजेटसिआ बे केसनि सायाव सिगां फार्से मोनबो बिबुंथि लाखिनाय नड। इलेण्ड आरो निउजिलेण्डनि गेजेराव खेब 5 वन्दे सिरिजनि थामथि बादायलायनाया गावसोरनिथि खालामनाय समाव जागोन मानोना एनजेटसिआ रेखाथिनि सायाव गिनांगोन फार्से जेबो जिगा सियाखे।

(□ 1 बिलाइनिफ्राय)

परेश बरुवाजों थोंजोडै बाथा सावरायगोन ड॰ हिमन्त बिश्व शर्माआ

बाश्रा सावरायनो हागोन। दिने मंगलबारखालि गुवाहाटीयाव खौरंगिरिफोरजों बाश्रा सावरायनायाव गिबि मन्थि ड॰ शर्माआ बुडोदि, मैया मिरु नख'र मन्थिखो लोगो हमनाय समाव बिथानिफ्राय परेश बरुवाजों बाश्रा सावरायलायनायनि गनायर्थि बिदोंमोन। नख'र मन्थि अमित शाहआ गावखो सावरायनायनि फारसे सिगां लांनयनि थाखाय टेलिफनाव परेश बरुवाजों बाश्रा सावरायलायनायनि गनायर्थि होदोंमोन। परेश बरुवाआ लुबैयोब्ला गावजों थोंजोडै टेलिफनजों बाश्रा सावरायनो हागोन। आलफा-(आइ)जों सावरायलायनाय आयदायाव गिबि मन्थि ड॰ शर्माआ खौरंगिरिफोरनि सौनायनि फिन्नायाव बुडोदि, हाबाफारि बायदियै परेश बरुवाजों सावरायलायनायिनो दं। बे सावरायलायनाया थामथि सुबुंनि गेजेरजोंसो सोलिगासिनो दं। सावरायलायनायनि गोखेंथिखो मोन्नांगौब्ला हाबाफारि बायदियै आरो थोंजोडै जागायजेन्नांगोन। बेनि थाखायनो जोडो थोंजोडै बाश्रा सावरायलायनो थाखाय सिगांदों। थारैनो समखो नांगोन। परेश बरुवाआ बे बिथिडव गोसो जानांगोन।

राइज्यो सभा बिसायख 'थिनि थाखाय नमिनेसनलाइ गथायबाय सर्बानन्द ...

गथायनायनि थाखाय सानसेल' सम आद्रा थानायसिमाव बेरेखा दोलोनिफ्राय बिजाथि फोसावयैलाय सर्बानन्द सनवालआनो हेंथा गैयाजासेनो सायख'जागोना रोखा जाबाय। आसामनि बारग' गिबि मन्थि सर्बानन्द सनवालआ आथिखालनि गिबि मन्थि ड॰ हिमन्त बिश्व शर्मा, अगपनि आफादगिरि- मन्थि अतुल बरा, बिटिसिनि गाहाय मावफुं सोद्रोमा प्रमद बर', मन्थि उर्खाव गोर ब्रह्म, आसाम राइज्यो बिजेपिनि आफादगिरि भवेश कलितामोनजों लोगोसे माखासे दैदेनगिरिफोरनि नुजाथिफैनायाव रिटानि बिबानगिरि दुलाल पेगुनो नमिनेसनलाइखो गथायनानै होयो। नमिनेसनलाइ गथायनायनि उनाव मिरु मन्थि सनवालआ माजुलिनि राइजो-राजाफोरनि अन्सायनाय हाबा मावनायनि थांखि लागोन होन्नानै मख'यो। मुस्रि सनवालआ बुंबावोदि, दिने नमिनेसनलाइ गथायनायल' जादों। आं जेरावखि थाया मानो माजुलि, आसाम आरो भारतनि फारसे सिबिथाय होबाय थागोन। मख'नो गोनादि, बिश्वजित दैमारिआ राइज्यो सभानि एमपि मासिनिफ्राय बिबान एंगारनानै बिजेपिआव हाबनायनि उनाव राइज्यो सभानि मासिआ लांदां जानानै दडमोन। फारसेथि 2021 बिधान सभा बिसायख'थियाव माजुलिनिफ्राय देरहानायनि उनाव सनवालआ नरेन्द्र मदि दैदेनाय मिरु मन्थि आफादआव मिरु केबिनेटआव जायगा मोन्दोंमोन। बेनि थाखायनो सनवालआ एमपि महरै सायख'जानानै राइज्यो सभासिम फैनाया संबिजितयारि महरै गोनांथार। मख'नो गोनादि, आसामजों लोगोसे गुबुन दर 4 राइज्योयाव फेगौ 4 अक्ट'बाराव राइज्यो सभानि उफ्रा बिसायख'थि खुंजागोन। बे सानावनो बिसायख'थिनि फिथायखोबो फोसावगोन।

कक्राझार जिल्लानिफ्राय हा-हुनि सा 21 दालालफोरखो पुलिसआ हमबाय

बिजिरसालियाव लाबोनाय जागोन होन्नानै पुलिस बिबानगिरिया फोरमायो। हमजानाय बिसोर दायनिगिरिफोरनि नायबिजिरनाय बिबानखो उफ्रा एसपि (सदर) नो बिबान गथायनायजों लोगोसे कक्राझार सदर थानायाव 659/21 बादियै भारतयारि दाय आइनि 120 (बि)/420/409/406/471/468 धारायाव केस थिसन्नाय जायो।

अजद होनाय बादियैब्ला कक्राझार जिल्लानि सार्केल मावखुलि आरो तहसिल बिबानगिरिनि मावखुलियाव निखावरि सुबुंफोरा गावसोरनि बिमा-बिफानि सम्पति हा-हुनि नामजारि खालामनायनि बदले गोबां बिबानि धोन चुस होनांनया मोनसे सोलिबोनाय खांथि बादि गोलाव समनिफ्रायनो सोलिबोदोंमोन दालालफोरनि फाव फान्दायनायाव। जाउनाव गिबि मन्थिआ दिने गोखों बिथोन होनायनि उनावनो राइज्योनि पुलिस बिफानआ देहायाव नांनानै बे हाबाफारिखो लानो गोनां जायो। बिजाउनाव कक्राझार पुलिसआ दिने सा 21 हा-हुनि दालाल खालामग्राफोरखो हमनानै थानायाव सोनानै दोनफेयो। दासान्दि कक्राझार सदर थानायाव जिल्लानि सा 21 हा-हुनि दालालफोरखो पुलिसफोरा लांथियैनो सेवगासिनो दड़। बेनिनो नासिर, रफिक मुनि दालाल महरै हाबा मावनाय मन्डलफोरबो बे हाबायाव लोब्बा थानानै कक्राझार जिल्ला पुलिसनि जेयाव नाडो।

मुसलपुरावबो हानि दालालनि हेंथायै पुलिसआ सिग्रोमनानै सा 11 सुबुंखो हमदों

मावखुलिनि खायसे पियनफोरजोंबो बिसोर दालालफोरा सोमोन्दो दं। दिने मुसलपुर पुलिसआ सौलु सौनायनि थाखाय थानासिम लाबोनाय सुबुंफोरा जाबाय फारियै-मंगल बर', प्रफुल हालै, सन्जिब बर', तरनि राय, धनेश्वर डेका, अरेन दास, सिबेन तालुकदार आरो भुपेन बनिया। फारसेथि मुसलपुराव दिने हमजानाय सुबुंफोरा सुलुडव फोरमायथिदोंदि, गावसोरो सार्केल बिबानगिरि मावखुलिनि रेजिस्टार खालामग्रा पियनफोरसो। गावसोर 10-40 बोसोर नाडै पियन महरै खामनि मावनायनि मुडव राइजो-राजाफोरखो सिबिबोदों। बे आयदायावनो गावसोरखो दालाल नड होन्नानै बुंथियो। फारसेथि बरमा पुलिसआबो बरमा सार्केल बिबान मावखुलिनिफ्राय सा 3 सुबुंखो हमनानै थानासिम लाबोयो। हमजानाय सा 3 सुबुंफोरा फारियै रजत बर', बिरेन तालुकदार आरो इसमाइल आलि। नाथाय आथिखालसिमबो पुलिसआ हमजानाय सुबुंफोरनि हेंथायै जेबो केस थिसनाडै। बेबायदिनो बागानपारा सार्केल बिबानगिरि मावखुलियावबो दिने पुलिसआ नुजाथि फैनानै खायसे मन्डल आरो पियनफोरखो सौलु सोडोब्लाबो रावखोबो हमाखें। बे आयदाखो लानानै गासै मुसलपुर महकुमायावनो फिनजाथाय सोमजिदों।

(□ 1 बिलाइनिफ्राय)

मुसलपुराव बड'लेन्ड अमा मिशननि सांग्रां बाद खुदों

सोरजिनयनि सिमांखो मोगथाडरि खालामनानै बड'लेन्ड अमा मिशननि जोहै अमा फिसिथाय आरो जोनोम होनायनि बायदि खामानियाव थोंजोडै 30 रोजानिफ्रायबो बांसिन नख'रफोरखो फोनांजाबनायजों लोगोसेनो आसाम आरो सा-सान्जाजों लोगोसे न'सुंसेनि हादतफोरबो हाथायखो दख'ल खालामनो बिटिआरनि अमा बेदरा मोनसे गोखेंथार बिफाव लागोन होन्नानैबो ब्रह्मआ बुंथियो। फारसेथि दिनेनि बे सांग्रांथियारि बादयाव पिगमेन महरै मिबिथिसार जानाय मनज बसुमतारिआ नुजाथि फैनानै जिव रेखाथिनि राहाखो मानिनानै सोलिनि अमा फिसिग्राफोरखो खावलायो। मख'नो गोनादि, बड'लेन्ड अमा मिशननि सिडव फेगौ 5 बोसोराव बिटिआरआव सानफ्रामबो 1 लाख किल'ग्राम अमा बेदर आरो मा 1700 अमा फिसा दिहुनयनि थांखि लादों सरकार। बेनि थाखाय खामानि गैये लाइमोनफोरा गावनि आथिडव गसंथानो हानायनि लामा मोन्नायजों लोगोसे बिटिआर ओन्सोलनि रांखांथिया नांगो बायदि जौगागोन। फारसेथि बे मिशननि सिडव अमाखो गोदान मुगानि आदोबजों जोनोम जाहोनाय राहा, थि बेसेनयाव गुण गोनां आदार जगायनाय, जुनात फाहामथाय, अमा फिसिग्राफोरनि रेंगोथिखो जौगाहोनाय आरो मुंसाइनाय, जुनात धोनखो सिनारथिनाय आरो इन्सुरेस खालामनाय, बेसेनखो जौगांखो होनाय, हाथाइयाव फोनांजाबनाय बायदि गुबुन गुबुन राहाफोरखोबो मोन्नो हागोन होन्नानै मिबिथिनो मोन्नाय जादों। दिनेनि बे सांग्रांथियारि बादयाव बाक्सा जिल्ला जुनात फिसिग्रा बिबानगिरि डा: भृगु भास्कर नाथ, जिल्लानि गागि जुनात फाहामगिरि डा: असिन दास, डा: गनेश तालुकदार आरो डा: पद्म महन रायमोनजों लोगोसे ओन्सोलनि गासै सा 500 निफ्रायबो बांसिन अमा फिसिग्रा राइजो-राजाफोरा नुजाथिफेदोंमोन।

भिडिअ कनफारेन्सिनि हेफाजाबै मिरु मन्थि सर्बानन्द सनवालआ फालांगियारि फोर्बोआव बाहागो लादों

गेदेरथार मिथिंगायारि सम्पद, गोसो बोनो हानाय समायना आरो सोलो गोनां थासारिया जौगाखानायनि गोखेंथिखो थि लाखिनो हागोन आरो मान गोनां गाहाय मन्थि नरेन्द्र मदिनि गोखों दैदेनायाव राइज्योआ जौगाखानाय आरो सोलायनायनि गोदान बिजोडव सौहेगोन। फालांगियारि फोर्बोनि बे बेखेवनाय हाबाफारियाव मिजगरमनि उद्यग आरो फालांगि मन्थि ड॰ आर लालतारगिल्यानआ, भारत सरकारनि फालांगि बिफाननि थान्दैफोर आरो मिजगरमनि गोजै थाखेनि सरकारि बिबानगिरिफोरा नुजाथि फेदोंमोन।

एम्फौ फिसिनानैबो नखरखो सुंथानो हानायनि विदिन्थि ...

आसार-खान्थिखो गोबानानै न'यावनो थानाय थाम बोसोरनिफ्राय एम्फौ फिसिनानै गोबां रां आरजिनो हानायजों लोगोसे नख'रखोबो दैदेनबोदों। बबेखानि एम्फौ फिनानै मोन्नाय रांजोनो फिसा-फिसौफोरनो सोल्लोथाइ होनो हादों। एम्फौ फिसिगिरि रमिला बसुमतारी, बिबारी बर' आरो लतिका बर'आ फोरमायथिनाय बादिब्ला से के:जि: एम्फौनि बेसेना 320 रां आरो से के:जि: फिथोबनि बेसेना 800 निफ्राय 900 रां। बे बायदियै एम्फौ आरो फिथोबखो फानानै दानफायाव 15 रोजानिफ्राय 20 रोजा रांसिम आरजिनो हायो। थामहिनबा बोसोरफायाव 1,50,000 निफ्राय 2,00,000 लाख रां। बबेखानि बिथामोनहा थानाय थाम बोसोरनिफ्रायनो बे एम्फौ फिसिनाय हाबाफारिखो आजवानानै लादोंब्लाबो दिनेसिमबो सारको फिसिनफ्राय एम्फौ फिसिनयनि जेबो रोखोमनि सोल्लोथाइ आरो मुवा-बेसाद मोन्नो हायाखें। बे बिथिडव आथिखालनि बि टि सि सरकारनिफ्राय एम्फौ फिसिनयनि मुडव राडरी अनसुंथाइनि थाखाय आइजोफोरा आर'ज गाबरदरदों।

उदांसि काप प्राइजमानी जोलुर बादायलायनायाव सामता एफ सिआ 4-1 गलाव देरहादों दिने सैथि सेमि फायनालाव इउनायटेड एफ सि, बरमा आरो दैमालु एफ सि, बरपेटा र'डआ गेलेगोन

बाक्सा, 21 सेप्टेम्बर: बादायलायनायनि दिनेनि बाक्सा जिल्लानि भारत-भुटान सिमानि सुबनखाटा गोजो फरायसालिनि गेलेग्रा फोथाराव थानाय जागायजे न्नायनिफ्रायनो क्लाव, सुबनखाटा नि बानजाइनायाव सोलिबाय थानाय उदांसि काप प्राइजमानी जोलुर

बादायलायनाय चामता एफ सि आरो दिमाकुसि रयेल ब्राडासनि गेजेराव जालाडो। मोननेबो हानजाया गेलेनाय जागायजे न्नायनिफ्रायनो गोबां नारा-नाथा जुजिलायोदोंमोनब्लाबो चामता एफ सिआ रयेल ब्राडास दिमाकुसिखो 4 गल

सोनायनि हेंथायै चामता एफ सिखो रयेल ब्राडास दिमाकुसिआ 1 गल ल' सुखनानै गोजोनगलायना थानो गोनां जायो। गाबोनि बादायलायनाया इउनाइटेड एफ सि, बरमा आरो दैमालु एफ सि, बरपेटा र'डनि गेजेराव जागोन।

(□ 1 बिलाइनिफ्राय)

माहारियारि बक्सिं सेम्पियनशिपआव शिब तापाआ सनानि मेडेल देरहाबाय

आसामनि मुंदांखा बक्सार गेलेगिरि शिब तापा। शिब तापाआ हौवाफोरनि माहारियारि बक्सिं सेम्पियनशिपयाव सनानि मेडेल देरहादों। कर्नाटकनि बेलारिनि इन्सपायार इन्स्टिटुट अफ स्पोर्टसआव मंगलबारखालि खुंफुंजाबाय बादायलायनायनि फाइनाल मेचआव शिब तापाआ सार्बिसेस स्पोर्टस कन्ट्रोल बर्डनि बक्सार दलबिर सिं तुमुरखो गोखेंथारै 5-0 पइन्टनि फारागथियाव फेजेन्दों। मख'नो गोनादि, बेयाव देरहानायनि उनाव शिब तापाआ फेगौ 26 अक्ट'बरनिफ्राय 6 नभेम्बरसिम सार्बियानि बेलग्रेडआव खुंफुंजानो गोनां आइवा इलिट बक्सिं सेम्पियनसिफआव जायगा आरजियो। मख'नो गोनादि, 63.5 कि:ग्रा: दालायाव बादायलायनाय शिब तापाआ सेमि फाइनाल मेचआव उत्तर प्रदेशनि अधिपेक यादवखो 4-1 पइन्टनि फारागथियाव फेजेन्नानै फाइनालाव सौहेदोंमोन। मख'नो गोनादि, शिब तापाआ आथिखालावसिमाव खेब 5 सेम्पियनशिपआव मेडेल देरहानायजों लोगोसेनो खेब नै अलिम्पिकआव बाहागो लाखांबाय।

तामुलपुर प्रेस क्लाबनि 8 थि नै बोसोरारि जथुम्माया थुंगेलांबाय

सोमोन्दो दं। गुबुन गुबुन समाव खौरंगिरिफोरा मोगा-मोगि जानानाय जेनाफोरनि बिथिडव जुथायै खालामनि मावबोदों। मबाइल फन गैये समनि खौरंगिरि आरो आथिखालनि खौरंगिरिफोरनि गेजेराव गोबां फारागथि दं। नंगुबै आरो थार खौरं फोसावनायनि बिथिडव खौरंगिरिफोरा जाहाते मोनबो रोखोमनि जेनाफोरजों मोगा-मोगि जानाड बेनि थाखाय फरायसा आफादा आबुडै हेफाजाव खालामबोदों। मेलाव बाहागो लानानै बिबुंथि लाखियो राव-थुनलाइ, हारिमु सावराय लाइसि पखिलीनि सुजुगिरि ब्रजेन्द्र नाथ डेकाआ। गावनि बिबुंथियाव बिथाड बुडोदि खौरंगिरिफोरा समाजनि खामिहारा। भारतारि सुबुंखांथिनि ब्रैथि खुन्थिया खौरंगिरिफोरखो गेबें, थार आरो अरायबो गेजेरनि जानानै खामानि मावनाया गहाम। गुबुनले महरनि खौरंगिरिफोरा समाजनि ब'जा बायदिसो। बिथाड बुंबावोदि खौरंगिरिफोरा अरायबो राइजो-राजाफोरनि जानानै गारं दैखानांगो। खन्दिपेक खौरं लाइनि सुजुगिरिफोरा गेजेरनि नड होन्ना फोरमायनानै बिथाड बुडोदि बेबायदि खौरंगिरिफोरा राजखांथियारि दैदेनगिरिफोरनि आखायाव फानजादों होन्नानै बिथाड बुंबावो। मेलाव तामुलपुर प्रेस क्लाबनि गायसनगिबि आफादगिरि कामेस्वर दासआ गावनि बिबुंथियाव बुडोदि असमोया खौरं मुलुगनि जारिमिना 150 बोसोराव आगान होबायब्लाबो खौरं बिजोंआ 50 बोसोर उन जालांदों। खौरंगिरिफोरा गुबुन गुबुन खाबुफोरनिफ्राय जानगाराव थाबोनांदों। सोलाय-सोल'आसो खौरं मुलुगाव सोलायनाय लाबोनो हायो। मेलाव माननि आलासि महरै बाहागो लानानै रडियानि प्रतिदिननि खौरंगिरि मुस्ताफा कालाम आहमेदआ बुडोदि खौरंगिरिनि बिथिडव मोनने रोखोमनि खावलायहरनाय सोमजियो बेनो जादों सिंनि आरो सानिफ्राय फेनाय हुमखि। लकडाउननि समाव सासे आइजोखो मान गैये खालामनाय खोथाखो रायखानानै बिथाड बुडोदि समाजाव खौरंगिरिफोरा रेखाथि गैया। खौरंगिरिनि आखल, समाजारि बिबानखो मोजाडै फालिनाय आरो गोरलै रावआव खौरं लिस्नो हानायसो थार खौरंगिरिनि लोक्षोन। मान-सन्मान होजानाय खौरंगिरि थायोब्लासो खौरं बिजोंनि मान-सन्मानआ बाडो होन्नानै बिथाड बुडो। बे मेलाव तामुलपुरनि बारग' खौरंगिरि मुकुन्द दासनि अनगायैबो गोबां खौरंगिरिफोराबो बिबुंथि लाखियो। तामुलपुर प्रेस क्लाबनि गहाय नेहाथारि रजनि बर्मनआ सामब्लायनाय गेवलां मेलाव गुबुन गुबुन बिथिडव अबदान होबोनायनि थाखाय ओन्सोलनि सा 11 गागि सुबुंफोरखो बिहु गामसा, आरो मान बिलाइजों बरायनानै मान बाउनाय जायो। तामुलपुरनि गागि खौरंगिरि द्विजेन्द्र नाथ पाथक, कामेस्वर दास, खगेन बैस्व, आरहन मिडिया बान्था मोननो हानाय तिर्थ रन्जन महन्त, सुबुं फोनांजाव बिफाननिफ्राय खेबसेयारि अनसुंथाय मोननो हानाय उतपल डेका, लाइमोन थुनलाइ एकाडेमि बान्था मोननो हानाय द्विजेन दास, तामुलपुर कृष्ण भान्दार एन्ड बुक स्टलनि बिगोमा बासुदेब दास, मिथिंगा अनफावरि तिलक थर्का, तुनलाइ, हारिमुयारि बिथिनिंसिम बिहोमा होबोनाय ब्रजेन्द्र नाथ डेका, कन्दर्प कलिता मोनखो मान बाउनाय जायो। मेलाव दुलाराय आसाम शरनीया-कछारी फरायसा आफादनि गहाय नेहाथारि दिपज्यति शरनीया, दुलाराय बंगली लाइमोन फरायसा आफादनि गहाय नेहाथारि अधिर आर्य, बाक्सा जिल्ला फरायसा आफादनि आफादगिरि गबिन्द शरनीया, बाक्सा जिल्ला फरायसा आफादनि गायसनगिबि आफादगिरिसनेस्वर कलिता, तामुलपुर दरखर एबसुनि अजित बर' आरो बानेस्वर बर' आरो गुबुन गुबुन आफादनि दैदेनगिरिफोराबो बाहागो लादोंमोन। बेजों लोगोसे थानाय समबाखालि खुंफुंनो मोनसे गोनांथाय थान्दै मेलाव दिपक कुमारा पाथकरखो आफादगिरि आरो गुनजित दासखो गहाय नेहाथारि महरै लानानै 2021-22 बोसोरनि थाखाय गोदान मावफुं आफादखो दानाय जायो।

नंखाय एनकाउन्टारनि हेंथायै थार बिजिरनाय दाबिनानै फरायसाफोरा हान्जा सुरदों

बुथारनायनि थार बिजिरनाय नांगो होन्नानै दाबियो। फरायसा हान्जाया बुडोदि, आथिखालनि समाव राइजो-राजा सुबुंफोरा समाजयाव गोजोन खौरंथिखो हास्थायो। बेखायनो बे रोखोम नंखाय एनकाउन्टर खालामनानै बुथारनाय हाबाफोरखो नागानांगो होन्नानै सरकारनिंसिम फरायसाफोरा दाबि दैखांहरो। बेराफारसे नंखाय एनकाउन्टारनि मुडव सानै दाय गैये सुबुंफोर गावथारनायखो कक्राझार जिल्ला बर' समाज आरो टाइबेल संघआबो गोथो दुखु मोन्नाय फोरमायनानै बे मोन्ने आफादनिफ्राय जाथायनि सायाव गोजो थाखोनि जुडिसिएल नायबिजिरनो सरकारनिंसिम खावलायहररो। मोनसे प्रेस बिबुंसारनि गेजेरजों बर' समाजनि जिल्ला बोसोनगिरि आरो गोखों लिरिगिरि बिबेकानन्द नाजरी आरो संघनि दैदेनगिरि चक्रमनि ब्रह्म मोनहा बे एनकाउन्टारनि जाथायखो जाथाव नाडै जाथाय होन्नानै फोरमायो। नाजरीआ राइजो-राजाफोरनिंसिम गोजोन थासारिखो हमथानानै लाखिनो थाखायबो खावलायहररो।

बेराफारसे दुलाराय बर' फरायसा आफादनिफ्रायबो गहाय नेहाथारि कनिन्द्र बसुमतारिनि दैदेनायाव सा 10 सोद्रोमानि मोनसे थान्दै हान्जाया पाटगाव सालगुरि गामिनि पुलिसनि गुलियाव जिउ गोमानाय जोंसार मुसाहारिनि न'याव थानानै नख'रनि फारसे सुलाद लाहैयो। दुलाराय बर' फरायसा आफादनि थान्दै हान्जाया बे जाथायनि सायाव गोजो थाखोनि जुडिसिएल नायबिजिरनाय होनो थाखाय सरकारनिंसिम दाबि दैखाडो। जाथायाव जिउ गोमानाय जोंसार मुसाहारिनि नख'रव थानानै बिथानि दुखुथिया बिसिनि आखाइयाव बिजेपि दैदेनगिरि आरो फालांगिरि उडलियाम नाजरीआ 50,000 रं गथायनानै होयो।

मख'नो गोनादि, लुंसु ह्यारा ओन्सोलाव पुलिसनि एनकाउन्टारव जिउ गोमानाय जोंसार मुसाहारि आरो जनक कुमार ब्रह्मनि नख'र सोद्रोमाफोरनो बिटिआर खुंथायनिफ्राय सरकारि सांखि होनो थाखाय फोसावनाय जायो। थिसन्थाय लाइखो माखासे साननि गेजेरावनो जोंसार मुसाहारि आरो जनक कुमार ब्रह्मनि नख'र सोद्रोमाफोरनि आखाइयाव गथायनाय जागोन होन्नानै बिटिआर गहाय प्रमद बर'आ फोसावो।

सलमान खान आरो कार्टिना काइफनि टाइगर-3 नि टीजारखौ नायगिरिफोरा नेनानै दड

मुम्बाइ, 21 सेप्टेम्बर: रिलज जानो गोनां बलिउड सावथुन टाइगर-3 खौ नायगिरिफोरा गोबाव समनिक्रायनो नेनानै दड। सावथुनआव आरोबाव खनसे सलमान खान आरो कार्टिना काइफनि जावजाखौ नुनो मोनगोन। बेराफासै बे खेवआव सावथुनआव इमरान हाशमीखौ भिलेइनि फावआव नुनो मोनगोन। बेबादिआव आथिखालाव टाइगर-3 नि टीजारआ माब्ला रिलीस जागोन बे खौराडा सोराडाव फैंदों। मख'नो गोनांदि, टाइगर-3 आ टाइगर सिरिजनि थामथि बाहागो



जादों। बेनि सिगां बे सिरिजनि मोन 2 सावथुनफोरा एक ता टाइगर आरो टाइगर जिन्दा

हैमोन। जाय बक्स अफिसआव दोहौ गोनाडै रं आर्जिदोंमोन। जायनि उननिक्राय नायगिरिफोरा टाइगर-3 खौ नेनानै दड। बलिउड लाइफनि मोनसे रिपटनि बादिब्ला, टाइगर-3 नि टीजारआ बे बोसोरनि

कूस्टमासआव रिलीस जागोन। टाइगरनि सिरिजनि बाश्राखौ बुडोब्ला सलमान खानखौ एजेन्टनि फाव खालामनाय नुनो मोनगोन, जेराव कार्टिना काइफआ सावथुनआव आइएसआइ एजेन्ट जयानि फाव

खालामदों। बेराफासै टाइगर-3 आव इमरान हाशमीखौ सासे भिलेइनि फावआव नुनो मोनगोन आरो बेनि थाखाय बियो गोबां जिमआव गोलोमदें गहोदों। सुलुनि बादिब्ला, सावथुनआव शाहरुख खाननिबो केमिय' जागोन। मख'नो गोनांदि, टाइगर-3 नि अनगायै सलमाननि आखाइयाव किक 2, अन्टिम दा फाइनाल थुथआबो दंफायो। बेराफासै सलमानखौ भाइजानआवबो नुनो मोनगोन, जायनि गिबि मुड माब्लाबा ईद माब्लाबा दिवालीमोन। बेजों लोगोसेनो सलमानखौ थाबैनो बिग बस 15 खौबो हस्ट खालामनाय नुनो मोनगोन।

शिल्पा शेटीनि फिसाइ राज कुन्द्राया जामिन मोनबाय



मुम्बाइ, 21 सेप्टेम्बर: फालांगिरि आरो फावखुंग्रि शिल्पा शेटीनि फिसाइ राज कुन्द्राया पनग्राफी केसआव जामिन मोनबाय। मेजिस्ट्रेट कर्टआ 15 रोजा रंआव बिनो जामिन होदों। बेनि सिगां कुन्द्राया दाबि दैखादोंमोनदि, गावखौ गुबुन फाव फान्दायनायाव गोम्लेंदों। राज कुन्द्राआ ग्रेप्टार खालामजानायनि उनाव शिल्पा शेटीनि जेंनाया बांदोंमोन। पुलिसआ बिनावबो सौथि सोंदों। आथिखालाव शिल्पाया बेफोर गार्डिनिफ्राय ऑखारबो नो नाजादोंमोन आरो माखासे सानफोर ब्रेक लानायनि उनाव बियो गोदांनै हाबाफारियाव फैफिन्दों। आथिखालाव राज कुन्द्राया जामिन मोननायाव शिल्पाया मोनसे परस्टखौ सेयार खालामदों। रोखा महरै शिल्पानि थाखाय थानाय माखासे समआ मावेबा बारहुंखानिक्राय खम नडामोन। फिसाइआ जेलआव थानायनि उनाव बियो ससियेल मिडियानिक्राय लानानै टिथि श्व'फोरनिबो गोजानाव थादोंमोन। माखासे समन उनाव बियो फैफिन्दों। आथिखालाव बिखौ डान्सि रिपेलिटि श्व' सुपार डान्सार चेट्टर 3 आव जाजनि महराव नुनो मोन्दों। मख'नो गोनांदि, राज कुन्द्राखौ अस्लील भिडिय बानायनायनि दायआव आइपिसिजों सोमोन्दो गोनां धाराफोर आरो आइटि एक्टनि गेजेरजों ग्रेप्टार खालामनाय जादोंमोन। 19 जुलाइआव ग्रेप्टारनि उनाव 20 सेप्टेम्बर एबा गासै 2 दाननि उनाव बियो जामिन मोन्दों।

नेहा कक्करआ नख'र दानाय थांखिखौ लानानै बाथा बुंदों

मुम्बाइ, 21 सेप्टेम्बर: नेहा कक्कर आरो रहनप्रीट सिंआ जुलिन उननिक्रायनो गावसोरनि नख'र दानायनि थांखिखौ लानानै खौराडाव थादों। माखासे खेब नेहा कक्करआ प्रेग्नेन्ट जानायनि नंखाय बाथायाबो गोसारदों। बावैसो समाव बियो डान्स रिपेलिटि स्व' डान्स दीवाने 3 नि जौसाडव सौहेंदों, जेराव बिजों लोगोसे फंवाय टनी कक्कर आरो दैखोगिरि हानी सिंखौ नुनो मोन्दोंमोन। बे समाव नेहाया गथ'खौ लानानै बाथा सावरायदों। स्व'आव सासे बादायारि गुन्जआ लुंगी डेन्स दैखोआव दोहौ गोनाडै पारफर्म खालामदों। गुन्जनि मोसानायखौ नुनानै नेहाया बुंदोंदि, रहु आरो आं आथिखालाव गथ'नि सोमोन्दे सानोब्ला जौनि गथ'आ गुन्ज बायदि जाथों होन्नानै आं हास्थायो। नेहानि बे बाश्राखौ खोनानानै गुन्जआ मिनिस्तु



मिनियो। नेहा कक्कर आरो रहनप्रीट सिंआ थानाय बोसोरनि अक्टवरआव नख'रनि सुबुंफोर आरो खाथिनि सोमोन्दो गोनां लोगोफोरनि नुजाथिनायाव जुलि जादोंमोन। बियो दिल्लीआव सैलिब्रेट खालामदोंमोन। ससेल मिडियाआव नेहा आरो रहनप्रीटनि जुलिन माखासे सावगारिफोर आरो भिडिअफोरा भाइरेल जादोंमोन। बिसोर सानैआ नेहु दा व्याह दैखोनि शुटिनि समाव रिलेसनसिपआव

फैंदोंमोन। गिबि लोगो मोनजेनाया दैखोनि शुटिनि समावनो जादोंमोन। जुलिन 2 दाननि उनावनो बिसोरनि प्रेग्नेन्सीनि नंखाय बाथाया गोसारदोंमोन। बियो मोनसे सावगारिखौ शे यार खालामदोंमोन जेराव बिनि बेबी बाम्पखौ नुनो मोन्दों। बेनि उनाव बियो थाबैनो नैथि परस्ट खालामनाय बियो गावनि फैंदों गोनां मिउजिक भिडिअनि थाखायसो होन्नानै फोरमायदों।

गाहाम देहानि राहा

हाल्दै, बेरे मोदै, हाइजें आरो तुलसीआ गगा- गुजुनायखौ फाहामनायाव गाहाम बान्जायो

देहाखौ जेसेबांखि जोथोने लाखिया मानो बोथोर सोलायनायाव गगा मोननाय, गुजुनाय बायदि जेंनाया जाखायो। गोखों इमिउनिटि जानायनि ऑथिया बे नडदि, नोंथाडा माब्लाबाबो बेरामआव गोम्लैनाय नड। अदेबानि बेनि ऑथिया बेसोदि, नोंथाडा खमैब्लाबो बेरामआव गोम्लैयोब्ला गोखौनो रिक्'भार जागोन। भाइरेल फेभार आरो गुजुनाया सरासन्ना बाश्रा। नाथाय अब्लाबो बेरामआव गोम्लैनाय लोरबां मोन्दाडोब्ला माखासे आयुबैदिक बेसादफोरखौ बाहायनानै बे बेरामफोरखौ थाबैनो गाहाम खालामनांगो।

(1) हाल्दै: हाल्दैखौ नख'रफोमबो बाहायो। बेयो जाग्रा आदारखौ टेस्टि बानायनायजों लोगोसे गाव गोनां खालामो। बेनि अनगायैबो हाल्दैआ भाइरेल फेभार आरो गुजुनायखौ सोखानायावबो बान्जायो।



हाल्दैआव थानाय एन्टि बेक्टेरियेल आरो एन्टि भाइरेल आरो एन्टि भाइरेल गुणआ भाइरेल इन्फेक्सनजों दावहानायाव मदत खालामो। भाइरेल फेभार आरो गुजुनायाव हाल्दैनि गाइखेर लॉनायजों मुलाम्फा मोनो हागो।

(2) बेरे मोदै: बेरे मोदैया देहाजों लोगोसे स्कीननि थाखायबो मुलाम्फा गोनां। गगा मोननाय आरो गोदोना सानायखौ फाहामनायाव जोबोद मुलाम्फा गोनां खालामो। बेनिखायनो गुजुनायाव बेरे मोदैआव इलाइची पाउडर, गलमुसिस

पाउडर, लेबुनि बिदै गलायनानै जायोब्ला मुलाम्फा मोनो।

(3) हाइजें आरो तुलसी: हाइजें आरो तुलसीनि चाहाया स्वादजों लोगोसे फ्लु आरो फेभारखौ होबथानायाव मदत होयो। मानोना हाइजेडव एन्टि अक्सिडेन्टि गुण मोननाय जायो। बेखायनो हाइजें आरो तुलसीजों बानायनाय चाहा लॉनायजों भाइरेल फेभार आरो गुजुनाय जेंनानिक्राय बारग'नो हागो।

करिना कापुर खानआ रं आर्जिनायनि बेलायाव फिसाइ सैफ आली खाननिखुड सिगांसिनाव

गोदान दिल्ली, 21 सेप्टेम्बर: बलिउडआव गावनि स्टाइल आरो लुकनि थाखाय मोनथि जाग्रा फावखुंग्रि करिना कापुर खानआ दिने गावनि 41 थि जोनोम सानखौ फालिदों। करिनाया गावनि सावथुनफोरनि अनगायै गावनि गावयारि जिउखौ लानानैबो गोबां खौराडाव थायो। 2000 आव सावथुन रिफुजिजों गावनि केरियाखौ जागानाय करिनाया दिने इन्डास्ट्रिनि टप

फावखुंग्रिफोरनि फारिलाइआव थायो। करिना कापुरआ थि समाव सावथुन कभी खुसि कभी गमजों सिनायथिखौ मोन्दोंमोन। बे सावथुनआव बिनि फाव जु'खौ सुबुंफोरा गोबां मोजों मोन्दोंमोन। बेनि उनाव करिनाया माखासे सुपारहिट सावथुनफोरखौ फाव खालामदों। करिनाया गावनि गावयारि जिउखौ लानानैबो गोबां खौराडाव थायो। मख'नो गोनांदि, करिना कापुर खानआ

सेफ आली खानजों जुलि जानानै गावनि फेन्सफोरखौ गोसो होदोंमोन। करिनाया जेब्ला सेफखौ गावनि जिउनि लोगो महरै सायख'दों आरो बिजों जुलि जानो थांखि लादों आब्ला बै समाव बियो इन्डास्ट्रिनि टपमोन। आथिखालाव जुलिन उनावबो करिनाया लानिन्थयै सावथुनफोराव सांग्रं थायो। मख'नो गोनांदि, करिना आरो सेफनि बैसोआव गोबां फारग थानायनि जाहोनाव बिसोरखौ गोबां टूलबो खालामनाय जादोंमोन। फासैथि बे गासिबो बाश्राफोरखौ नोजोर होआ लासे आथिखालाव करिना आरो सेफआ गावसोरनि जुलि जानाय जिउखौ एन्जय खालामदों। सेफनियाव अन्नायनि अनगायै करिनानो होनो थाखाय कौटि कौटि सम्पतिफोरा दड। नाथाय माखासे सुबुंफोरा मोनथियादि रं आर्जिनायनि केसआव बियो गावनि फिसाइ सेफ आली खानखौ उन खालामो। सावथुनफोरनि अनगायै करिना कापुरआ माखासे स्टेज स्व'फोर, एड, रेडिय' स्व'जोंबो रं आर्जियो। रिपटनि बायदिब्ला करिना कापुर खानआ हारिसडैनो गासै 413 कौटि रंनि सम्पतिनि बिगोमा। फासैथि बिनि सानफ्रामबोनि रं आर्जिनायनि बाश्राखौ बुडोब्ला बियो दानसेयाव 1 कौटि रं आर्जियो। बेल'नड करिनाया फोसावदि खालामनायनि थाखायबो माखासे कौटि रंखौ फिस लायो। बे गासिबोनि अनगायै करिनायाव गावनिनो मुम्बाइआव माखासे न'फोर दड।

करिना कापुरनि जोनोम सानआव कंगना रनतआ जर'खा मेसेज लिरदों

मुम्बाइ, 21 सेप्टेम्बर: फावखुंग्रि करिना कापुरआ दिने एबा 21 सेप्टेम्बरआव गावनि जोनोम सानखौ फालिदों। बे खाबुआव बिनो गोबां बलिउड स्टारफोरनिफ्राय लानानै फेन्सफोरा गाहाम हामब्लायथि जासिहरदों, नाथाय बे गासिबोनि गेजेराव कंगना रनतनि जोनोम सानआव गाहाम हामलायथि जासि हरनाया खौराडाव फैंदों। कंगनानि रिलिज जानो गोनां सावथुनआ सीता। गिबियाव माखासे रिपटआव बु'नाय जादोंदि, करिना कापुरनो सीतानि फावखौ अफार होनाय जादोंमोन। नाथाय बियो गोबां फिसखौ बिदोंमोन। कंगनाया गावनि इन्सट स्टिआव करिना कापुरनि सावगारिफोरनि मोनसे कलाजखौ बानायदों आरो केप्सनआव लिरदों। हेप्पी बार्थ डे, साफ्रोमबोनि गेजेराव मस्ट गर्जियस' सीतानि डायलग आरो लिरिक्स राइटर मनज मुन्तशिरआ दाबि दैखादोंदि



कंगना रनतआबो बे फावनि थाखाय गिबि मोजों मोननायमोन। मुन्तशिरआ बुंदोंदि बे फावनि थाखाय कंगनाया गिबि मोजों मोननायमोन। जों माब्लाबाबो गुबुन फावखुंग्रिजों सोमोन्दो लाखियाखै मानोना जों कंगनाखौबो बे फावखौ खालामजानो हास्थायोमोन। कंगना रनतनि सावथुन थलाइबी'आ बावैसो समाव सिनेमालफोराव रिलिज जादों। सावथुनआ क्रिटिक्सजों लोगोसे नायगिरिफोरनि मोजों फिनजाथयखौ मोनाखौ। सीतानि अनगायै कंगनानि आखायाव तेजस, धाकड़, मणिकर्णिका

रियर्न- दा लीजेन्ड अफ दिहा आरो इन्दिरा गान्धीनि सायाव बिथा खालामनाय सावथुनआबो दंफादेरो। करिनानि रिलिज जानो गोनां सावथुनआ लाल सिं चड्डा। बेवहाय बिजों लोगोसे आमिर खानआ गाहाय फाव खालामदों। लाल सिं चड्डाआ हलिउड सावथुन फरेस्ट गम्पनि मावख'आरि रिमेक। सावथुनखौ अदवेत चन्दनआ बिथोन होदों। सावथुनआ थानाय बोसोरनि क्रिसमासआव रिलिज जानो गोनांमोन। नाथाय करनानि जाहोनाव बेनि सुटिखौ दोन्थ'नो गोनां जादोंमोन।

गोदान दिल्ली, 21 सेप्टेम्बर: आमेरिकानि संगालि एजेन्सि सिआइएनि डिरेक्टर बिल बर्न्सआ बावैसो सिगाडाव भारतआव दावबायफैंदोंमोन। सिएनएननि मोनसे रिपटनि बादिब्ला, बान्र्सनि हान्जानि सासे सोद्रोमानि देहायाव हभाव सिन्ड्रमनि लोखोनखौ नुनो मोन्दों। सुलुनि बादिब्ला, बे जाथायनि उननिक्रायनो आमेरिकानि रैखाथि बिबानगिरिफोरनि गेजेराव दावराव-दावसि सोमजिदोंमोन आरो बर्न्सआ रागा जोंदों। सिआइएनि टप बिबानगिरिआ जाथायखौ थि रोखोमै नायबिजि रगासिनो। बिबानगिरिफोरनि बादिब्ला, हादरनि गोजौसिन थाखोनि संगालिनि थाखाय खामानि मावग्राफोराबो रैखाथि गैया। थानाय दानआव आमेरिकानि संगालि एजेन्सिफोसनाव हभाना सिन्ड्रमनि लोखोनखौ नैथि खेब नुनो मोन्दों। बेनि



जाहोनावनो बाइडेन खुंथाया गोजौ थाखोनि बिबानगिरिफोरनि हारिमायारि दावबायनायाव गोहोम गोम्लेंदों। थानाय दानआव लेडाइ हादरगिरि कमला हेरिसनि भियेतनामआव दावबायहैनाया बेनि जाहोनावनो गोबाव जादोंमोन। बे केसनि सायाव सिआइएनि बुंथिगिरिआ फोरमायदोंदि, जों जर'खा जाथायफोर एबा

बिबानगिरिफोरनि सायाव कमेन्ट खालामा। जुदि बबेबा सरासन्ना जाथायखौ रिपट खालामोब्ला, जोंनियाव प्रतकल दड। बिसोरखौ थाबैनो इमारजेन्सि फाहामथाय होनाय जायो। जों गावनि बिबानगिरिफोरखौ रैखाथियै लाखिनो गोखों नाजायो। सिआइए डिरेक्टरनि हाबाफारिखौ जोबोद स्रोदयै लाखिनाय जायो। आमेरिकानि

बिबानगिरिफोरा बे बाश्राखौ लानानै जिगा सिदोंदि, दायनिगिरिआ बे दावबायनाय आरो हाबाफारिनि सोमोन्दे माबोरै मिथिनो मोनखो। सुलुनि बादिब्ला, भारतआव दावबायफैनायाव बर्न्सजों लोगोसे फेनाय संगालि बिबानगिरिफोरखौ आमेरिकायाव सौहैनयनि उनाव इमारजेन्सि फाहामथाय होनाय जादों।

सौदि आरबनि गुबुन हादतयारि मन्थि फेसल बिन फरहानआ पिएम मदिजों लोगो हमदों

गोदान दिल्ली, 21 सेप्टेम्बर : सौदि आरबनि गुबुन हादतयारि मन्थि फेसल बिन फरहान अल सउदआ मैया समबारखालि गाहाय मन्थि नरेन्द्र मदिजों लोगो हमो आरो बिथाडा आफगानिस्ताननि थासारिजों लोगोसे ओन्सोलारि जाथायफोरनि सायाव सावरयो। गाहाय मन्थि मावख' (पिएमअ)आ मोनसे बिबुंधि फोसावनानै फोरमायनाय बायदिल्ला बे जथुमयाव गुबुन गुबुन हाबाफारिफोरखौ नायबिजिरो। बेयाव दरनै हादतफोरनि गेजेराव गायसन्नाय सोलोखान्थियारि परिषदनि गेजेरजों सावरायनायाबो दंफायो। सानसे सिगांनो अल सउदआ गुबुन हादतयारि मन्थि एस जयशंकरजों सावरयदोंमोन, जाय गाहाय महरै



आफगानिस्ताननि जाथायफोरनि सायाव नोजोर होदोंमोन। बे समाव रैखाथि फालांगि, इनभेस्टमेन्ट आरो गोहोनि बिथिडाव फारनैथिजायनि सोमोन्दोफोर आरो सावरायनायनि लामा नागिरनायनि सायावबो बाथ्रा बुंदोंमोन। फिएमअनि फार्सेनिक्राय फोसावनाय बिबुंधिनि बायदिल्ला, गाहाय मन्थि मदिआ सौदि आरबनि फार्सेनिक्राय गोबां इनभेस्टमेन्ट खालामनायनि मिजिं होदों, जेराव गोहो, खौरां फोसावदिं आरो रैखाथिजों लोगोसे गाहाय बिथिफोरा दंफायो। बे समाव गाहाय मन्थिआ करना महामारिनि समाव भारतआरि फोलेरनि जौगाखानायखौ नोजोर लाखिनो थाखाय सौदि आरबनो जर'खा महरै हामब्लायथि बाउहरो।

जयशंकरआ नर्वे, इउके आरो इराकनि गुबुन हादतयारि मन्थिफोरखौ लोगो हमदों

निउयर्क, 21 सेप्टेम्बर: गुबुन हादतयारि मन्थि एस जयशंकरआ जायगानि सम बादिथै समबारखालि निउयर्कआव सौहैयो। बेयाव बिथाडा नर्वे, इराक आरो ब्रिटेननि गुबुन हादतयारिफोरजों सावरायो। बेनि गेजेरजों जयशंकरआ ब्रिटेननि गोदानै थिसनजानाय गुबुन हादतयारि सेक्रेटारि लिज टूस आरो इराकनि गुबुन हादतयारि मन्थि फुआद हुसेइनजों सावरायनायनै गोजोनाय फोरमायो। बिथाडा दुइत खालामनानै आनि इएन गिदिर सुबुं गौमानि जथुम्माया जागायबाय होन्नानै फोरमायदों। बे समाव नर्वेनि गुबुन हादतयारि मन्थिआ फरिबादआव जौनि खौसेयै खामानि मावनायखौ बाख्नायो। बे समाव आफगानिस्ताननि जाथायफोरनि सायाव सावरायो आरो हारिमायारि फोलेरफोरा खौसे जानानै खामानि मावनांगोन। मख'नो गोनांदि, गाहाय मन्थि



नरेन्द्र मदिआबो आमेरिकायाव दावबायहैगोन। बेनि सिगां जयशंकरआ इएनजिएजों लोगोसे गोबां दोलोजों लोगो हमगोन। बिबानगिरिफोरा फोरमायनाय बादिब्ला, गुबुन हादतयारि मन्थिआ जि4 गुबुन हादतयारि मन्थिफोरनि जथुम्मायाव 26 सेप्टेम्बरखालि बाहागो लागोन। आथिकालाव दासिमबो बे जथुम्मानि सोमोन्दै जेबो फोरमायाखै। सुलुंनि बादिब्ला, जि-4 हादतफोराव ब्राजिल, जार्मानी, भारत आरो जापानआ दड। बेनि अनगायैबो आफगानिस्ताननि केसफोरनि सायाव गोबां जथुम्मा जानो हागौ। कतरआबो जथुम्माफोर

आमेरिकाआव हाबनायनि गोदान नेमखान्थि फोसावदों

वासिंटन, 21 सेप्टेम्बर : आमेरिकाया समबाराव हारिमायारि दावबायनायनि थाखाय गोदान नेम-खान्थि फोसावदों। बे गोदानै फोसावनाय नेम-खान्थिनि बादिब्ला, भारतजों लोगोसे जायखि जाया हादतनि सुबुंफोर जायफोरा करना भेक्सिनखौ फुरयै थुजाखानाय बिसोरखौल' नभेम्बरनि जागायनायनिक्राय हादतआव हाबनो गनायथि होगोन। बारग' हादतगिरि डनाल्ड ट्रम्पआ 2020 नि हाबजेन्नायाव कभिड-19 इनफेक्सननि जाहोनाव गुबुन हादतनि दावबायारिफोरनि आमेरिकाया हाबनायखौ आगुआवनो होबथादोंमोन। गोदानै फोसावनाय नेमखान्थिया भारत बायदि हादतफोरनि सायाव होबथानायखौबो



फोजोबना होबाय। हवाइट हाउसनि बिबानगिरिफोरा बुंदोंदि, भारत बायदि हादतफोराव जेराव करना भेक्सिनखौ फुरयै लाखानाय सुबुंफोरा भेक्सिन थुनायनि फोरमानलाइजों लोगोसे आमेरिकायाव दावबाय हैनो गनायथि होगोन। कभिड 19 नि सायाव हवाइट हाउसनि रेस्पन्ड कअर्दिनेटर जेफ जिनेटसआ खौरांगिरिफोरनि

बे बोसोराव आफगानिस्तानाव 6 लाखनि बांसिन न' गैजायै जादों : इएन

गोदान दिल्ली, 21 सेप्टेम्बर : आफगानिस्ताननि थासारिखौ मुलुगनाडैनो नुदों। तालिबाना जेब्ला आफगानिस्तानखौ दखल खालामदोंमोन, अक्ला सान्थ हायै नखर'फोरा न'खौ गारनानै खारनो गोनां जादोंमोन। इएननि सुबुं मोन्थायनि मावसुमाफोर समबाराव बुडोदि, बे बोसोराव हिंसानि जाहोनाव आफगानिस्तानाव सा 6.35,000 सुबुंफोरखौ बिसोरनि न'निक्राय होखार हरदोंमोन। बिसोरनि सा 12,000 नि बांसिन सुबुंफोरा बावैसो सिगांआव गाहायै पन्सशीर राइज्योनिफ्राय काबुलआव गोदानै थाहैदोंमोन। सुबुंथिनि केसआव




असिइचएया मोनसे फोसावदिंआव बुंदोंदि, मुलुग फसंथान आरो बिनि हेफाजाबआरिया 2021 नि गिबि 6 दानाव सा 80 लाख ओरैबायदि सुबुंफोरनिसिम

सा 9,300 नि बांसिन सुबुंफोरजों रेहाय होदों। मुलुग जाग्रा आदार मावख'नि गेजेरजों फैं गौ बोसोरनि अक्टबरनिफ्राय जानुवारी दानफोरनि थाखाय जाग्रा आदार रान्ना होगोन। असिइचएया बुंदोंदि, बेफोर आदारफोरखौ रोजा-रोजा दुखुथिया सुबुंफोरनिसिम सौहैगोन। हायैन बरदाक राइज्योआव सा 63,000 सुबुंफोर जाग्रा आदारनि अन्सुंथाय मोनगोन। बदख्शां राइज्योनि यवन आरो रधिस्तान जिल्लाफोराव दाखोर-दालाफोरनि गोहोमजों खमैबो सा 29 उन्दै गथ'फोर गोहोम गोगलैदों होन्नानै मावख'आ बुंवावो।

हादतआव हाबनायनि थाखाय

ब्रिटेइनआ गोदान नेमखान्थि फोसावदों

गोदान दिल्ली, 21 सेप्टेम्बर : ब्रिटेइनआ गावनि कभिड 19 नि नेमखान्थिफोराव सोलाय-सोल' खालामदों, लोगोसे मोनसे गोदान जेनाखौबो नुजाथिहोदों। ब्रिटेइननि सायाव दाय जाबसिन्नाय जादोंदि, बेयो भारतखौ फारागथि आखु दिन्थिदों। ब्रिटेइन सरकारा भारतनिक्राय थांनाय दावबायारिफोरनि थाखाय खानानै होनाय नेमखान्थिफोरखौ नायसंनयनि नारसिन्नायाबो बांसिनबोगासिनो दं। मानोना ब्रिटेइनआ गोदान नेमखान्थिनि गेजेरजों कभिशील्ड भेक्सिन लानायफोरखौ कभिडनि भेक्सिन लानाय मानिना लानाय जानाय नडा, फार्सेंथिं अक्सफर्ड एस्ट्राजेनेका भेक्सिन लानाय सुबुंफोरखौ गनायथिना लागोन। ब्रिटेइननि दावबायनायजों सोमोन्दोआव आथिखालाव गोजा, गोमो आरो गोजां मोनथाम गाबनि आलादा आलादा फारिलाइ बानायनाय जादों। जेनानि थासारिखौ नोजोर होनाइ हादतफोरखौ आलादा आलादा फारिलाइआव दोन्नाय जादों। जुदि बबेबा हादतआ रेड एवा गोजा फारिलाइआव थायोब्ला बेनिफ्राय



दावबायारिफोरा ब्रिटेइनआव सौहैखानानै 10 सान हटेलआव क्वारेन्टाइन थानांगोन आरो बे समा जोबनायनि सान्ने सिगां बिखी करना टेस्ट नायनाय जागोन। जायफोरा भेक्सिननि मोननैबो इपखौ लाखानाय बिसोरबो बे नेमखान्थिखौ मानिनांगोन। क्वारेन्टाइननि नेमखान्थिखौ सिफायोब्ला 10 रोजा पाउन्ड जुरिमाना होनांगोन हागौ। बेनि अनगायै सोरबा दावबायारिफोर नेगेटिभ आरटिपिसिआर टेस्ट गैयाजासे हादतआव हाबहैयोब्ला बियो 5 रोजा पाउन्ड रं जुरिमाना होनांगोन हागौ। मख'जाथावदि ब्रिटेइनआ भारतखौ नीला गाबनि फारिलाइआव दोन्दों। भारतनिक्राय थांनाय दावबायारिफोरा दावबायनायनि सान 3 सिगांआव करना टेस्ट नायनाय रिपर्ट लाफायब्ला 500 पाउन्ड रं जुरिमाना फोनांनय जागोन। ब्रिटेइनआव सौहैनायनि अखानायै दावबायारिया फिन करना टेस्ट नायजाथारनांगो। अदेबानि दावबायनायनि सिगांनि करना टेस्टखौ मोननैबो इपखौ थुजाखानाय सुबुंआबो खालामनांगो। बेनि गेजेराव रेहायनि बाथ्राया जादों, जायफोरा ब्रिटेइनजों गनायथि जानाय करना भेक्सिनखौ लादों बिसोरो

नख'र बिफानआ नक्साल गोहोम गोगलैनाय राइज्योफोराव सोलिनाय थांलाय-फैलायफोरखौ नायबिजिगोन

गोदान दिल्ली, 21 सेप्टेम्बर : नक्सालीफोरखौ सिलिंखार खालामनाय आरो हादतनि गोहोम गोगलैनाय जिल्लाफोराव थासारिया एसे साबस्त्रानायनि गेजेरजों नख'र बिफानआ थाबैनो गोहोम गोगलैनाय राइज्योफोरजों लोगोसे नक्सालफोरनि थांलाय-फैलायफोरखौ नायबिजिगोन। सुलुड बुंनय बायदिल्ला, नख'र मन्थि अमित शाहआ वेबायदि राइज्योफोरनि गिबि मन्थिफोरजों लोगोसे हा सानि थासारि आरो नक्सालिफोरनि हेंथायै गोदानै नायबिजिगोन सोलौंखान्थि थियारि खालामनायनि सोमोन्दै सावरयगोन। नक्साली गोहोम गोगलैनाय दर 35 जिल्लाफोराव लामानि गोनांथार बायदि गुबुन गुबुन गोनांथार गुदि बिथा बिथांखिफोरनि सायावबो सावरयगोन। अदेबानि छतीसगड, मध्य प्रदेश, उरिष्या, झारखान्ड, बिहार, सोनाब बंग, अन्ध्र प्रदेश, तेलंगाना, महाराष्ट्र आरो केरलाया नक्साली गोहोम गोगलैनाय राइज्यो। रैखाथि बिबानगिरिफोरनि बुंनय बायदिल्ला नक्साली गोहोम गोगलैनाय बांसिन जिल्लाफोरा हिंसायारि जाथाइफोराव 20-25



जौखोन्दो दावखलायनाय फैबाय। बे जिल्लाफोराव 85 जौखोन्दो नक्सालीफोरनि हिंसायारि जाथाइखौ नुनो मोन्दोंमोन। अदेबानि पाकिस्तान निक्राय दैथाय हरनाय टिफिन बमखौ नागिरनाय आरो बेरफुहोनायनि केसाव हमजानाय इन्टरनेसनेल सिख युथ फेडरेशन (आइएसवाइएफ) नि सा 3 उतखारिफोरा विक्की भुट्टी, मलकीत सह आरो गुप्पीत सिं उर्फेगिपिखौ थानाय समबारखालि बेरमियाव अजनाला कर्टआव दिन्थियो। बिजिरसालिया दायनिगिरिफोरनि पुलिस रिमान्डखौ सान्नेनि थाखाय बारायहोयो। पुलिसआ फोरमायनाय बायदिल्ला, दायनिगिरिफोरनि फोरमायनायनि सायाव बिथा खालामनानै पुलिसआ खौरां नागिरासिनो दड। बिसोरनिक्राय बोखानो मोनाय मबाइलनिक्राय पुलिसआ पाकिस्ताननि माखासे सुबुंफोरनि नाम्बाखो मोनो। बिसोरनि कल लेकसननिक्रायबो माखासे थाखो मानानै थानाय बाथ्राया नुजाथियो, जायनि सायाव नायबिजिग गसिनो दड।

इउकेएलखौ मुम्बाइनिफ्राय लखनौसिम ट्रेन्सफार खालामनानै लांबाय

गोदान दिल्ली, 21 सेप्टेम्बर: मुम्बाइआव जानो गोनां इउकेएलखौ लखनौसिम ट्रेन्सफार खालामनानै लांबाय। फेगो 3-12 डिसेम्बरनि गेजेराव खुंफुंजानो गोनां इउकेएल लीगआ लखनौसिम बाबु बनारसि दास बेडमिन्ट एकाडेमिआव खुंफुंजासिगोन। खुंफुंजानो गोनां बे लीगखौ आईपिकेसिनि सियारमेन रजिब सुजा आरो सामलायगिरि जिरि कनचन्द्रलआ मोनसे प्रेस कन्फारेन्सनि गेजेरजो फोसावदो। मुलुगनि गासे कम्बेट गेलेमु जै-बक्सिं, खमलायनाय बायदि मेचफोराव सिंगेल्स फर्मेटआव खमलायनो होनाय जायो, नाथाय इउकेएलआव गावयारि खमलायनाय फर्मेटनिफ्राय टीमनि मेचआव लाबोनाय जायो। बेयाव सासे



गेलेगिरिआ सा 3 गेलेगिरिफोरजो खेबसेयावनो गेलेनांगो जायो। मेचनि मोनथाम सेटआ 45 मिनिटआव आबुं जायो, जायनि गेजेराव स्ल' मसन आरो कमासिंएल ब्रेक आबो बाहागोआव दड। नकडाउन आदोबनि सायावल'नो स्करनि रिजेस्टर खालामनाय जायो।

गासैबो टीमआवनो सा 5 हौवा गेलेगिरिफोरजो लोगोसे सासे आइजो गेलेगिरिआ बाहागोदारि जायो। इउकेएल आल्टिमेट काराटे लीगआव मोन 6 फ्रेंचाइज टीमफोर दड। गासै टीमआवनो वर्ल्ड सेम्पियन आरो इउ'पीय सेम्पियन मार्कि गेलेगिरिफोरा बाहागोयारि

जानानै दड। आईपिकेसिनि आफादगिरि सेन्साइ सिन्हानि बादिबला, इउकेएलखौ गायसन्नायनि गुबै थांखिखौ आधिखालनि आरो इयुनि काराटे हुदा खालामगिरिफोरनि गेजेराव जुथायै मोनसे मिजिंथिनायखौ गोखौंसिन खालामनाय।

आरसिबिआ केकेआरजो 92 रनआव जेन्दो, दिपिका पाडुकणआ टूल खालाम जादो

गोदान दिल्ली, 21 सेप्टेम्बर: आरसिबिआ आईपिएलनि 14 थि सिजनआव केकेआरनि हेथायै सा 9 उइकेट खोमानानै गात्रियै जेन्नादो। बादायलायनाय मेचआव बिराट कहलीनि केपेन सामलायनाय टीम आरसिबिआ 92 रनावनो अलआउट जानादो। बेनि उनाव बलिउडनि फावखुंनि दिपिका पाडुकणनि 11 बोसोरनि गोजाम टुइटा भाइरेल जादो। दिपिका पाडुकणआ बै समाव टी-20 लीगनि जागायजेनाय बोसोराव आरसिबिनि थाखाय स्टेडियमआव जेब्लायबो नुजाथिबाय थायोमोन। 2010 आव रयेल सेलेन्जार्स बेंगलुरुआ



राजस्तान रयेलखौ 92 रनसिमल' होनानै फेजेन्तो हानायखौ लानानै खम रन लानो हानायनि थाखाय टूल खालामदोमोन।

आधिखालाव बे टुइटाखौनो लानानै मानसिफोरा रंजानाय लागसिनो दड। थानाय मेचआव आरसिबिआ केकेआरनि हेथायै गात्रियै गेलेनानै दिन्धिदो। बादायलायनाय मेचआव केपेन बिराट कहलीआबो मोजाडै गेलेनानै दिन्धिफुंनो हायाखैमोन आरो एबि डिविलियासआबो हान्जानि थाखाय गावनि रंगथिखौ दिन्धिफुंनायाव फेलें जादोमोन।



आसाम गोहो रानसारथाय कम्पानी लिमिटेड

मोनसे आबुडै ग्राहक सिबिथाय कम्पानी

दावराव-दावसि-फोथायनाय गैयैखौ बोस्रानानै होनाय



बिमल बरा

गोहो मन्थि, गेलेमु आरो लाइमोन अन्साय, हारिसु, दावबायथाय बिफान, आसाम सरकार



जर'खा खेबसेल' गोरोबथाय बिथासि

- गोलाव सम दिन्दां जानानै थानाय केसफोरखौ थिरंथा लानायजो गोसो नांथाव रंखान्थियारि मुलाम्फा होनाय।
- बिल होनायनि राहाखौ थि रोखोमै सायख'ना लानानै मुलाम्फा मोननो हागोन।

फारि नं	गाहायै सिगांग्रो होनाय	मासुल होनाय	उफ्रायै होनो गोनां रंखौ हमथानाय	गोबाडे होनो गोनां इनस्टलमेन्टफोरनि गनायथि होनाय	इन्स्टलमेन्ट होनायनि जीवथा अक्ट'
1	100%	100%	100%	-	-
2	75%	65%	65%	1	29-09-21
3	50%	35%	35%	2	29-10-21
4	25%	15%	15%	3	29-09-21 29-10-21 29-11-21

माबोरै आर'ज खालामनो

- www.apdcl.org आव नायनो हागोन
- जर'खा खेबसेल' गोरोबलायनाय टेबखौ सायख' (जायखौ 15.09.2021 निफ्राय मावनाय जाबाय)
- गोनांथि जानाय गासैबो फोसामायलुफोरखौ अनलाइननि गेजेरजो सुफुनो नांगोन
- बिथांखिनि थाखाय मोजां अप्सनखौ सायख'ना ला
- रां होनायनि सायाव थिखानाय जायगाफोराव सोनानै हो
- आर'ज लाइखौ गथाय
- जर'खा रेजिस्ट्रेशन नम्बरजो मिबथिहोनाय

गोखै!!

बे खेबसेल' होनाय खाबुफोरखौ हमथानानै दिन्दां जानानै थानाय माखासे केसफोरखौ गोसो बोथावना रंखान्थियारि मुलाम्फाखौ हमथा।

हाग्रा बिफान, आसाम



आसाम सरकार
आबहावा आरो हाग्रा बिफान

अनेगारु my Gov
चबकुब मेरी सरकार

गान्दा गंनि सोमोन्दै गोरोन्थि सान्नायफोरखौ फोजोबन्नांनाय

गान्दा सरेखाथिनायनि बिथिडव आसाम सरकारनि गोखौंथार थांखि

मुलुग गान्दा सानखौ लोब्बा लानानै

गान्दा गंनि गेदेरथार सावनाय हाबाफारि

मानगोनां गिबि मन्थि

ड॰ हिमन्त बिश्व शर्मानि दैदेनायाव
मोनसे थि थांखि

थांखि

- सुरां सिखारिनि हेथायै मोनसे गोखौं खौरां दैथाय हरनायजो लोगोसे गान्दा गंनि जायखि जाया मुलियारि गुण गैयेनि सैथोथिखौ फोसावनायनि थांखि



मुन्थि परिमल सुक्लबैद्य

मान गोनां मन्थि, आबहावा आरो हाग्रा मन्थि

गासै मोन

2,623 गंफोर

सावनायनि थाखाय सिनायथिदो

मोन 2,479

सरेखाथिनि थाखाय सिनायथिदो

मोन 94

बिजिरसालियाव केसजो

बिजिरसासिनो दं

मोन 50

बकाखात स्टेडियम ग्राउन्ड, गलाघाट

22 सेप्टेम्बर, 2021

फुंनि 7.00 रिगानिफ्राय

Janasanyog/D/6247/21

थौंजोडै फोसावगोन : www.360sspl.com/rhinohornburning